


吉130

850

部 28



19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42

13985

金石萃編卷七十七

和培圖書藏



賜進士出身 誥授光祿大夫刑部右侍郎加七級王昶撰

唐三十七

號國公造像記

石橫廣四尺九寸高二尺餘三十一行行十三字後五行偈皆十四字行書在洛陽龍門

□□□□□□□□□□□□□□□□□□□□□□  
□□□□□□□□□□□□□□□□□□□□□□  
□□□□□□□□□□□□□□□□□□□□□□  
□□□□□□□□□□□□□□□□□□□□□□

拏苦海之津梁則號國公□□□□其人也立身幹蠱英

謀駿□橫行邊徼追馬援之功□□庭□□曾參之養

自保釐□□□□□□□□心揚名顯親忠孝□□□□□□

祿位深鏡真如覺□蘊□□□□非實知三世□□  
 □□□□□迹混朝倫而心□□□以為□腹之飾  
 點風塵□□□□□□歲月而先朽□□□□  
 □□□□□奉為烈□□□□□先□□□妣  
 □□□□□鑿石龕造十□□□□□□□  
 藏菩薩各一□□□□□好□□□□儼然□□□  
 □□紺□垂瓔珞以嚴身□□□□□以承□□  
 □□□□□神足同于塵□□□□□□□而  
 □□□□□戲□□□□□□□非□□崇高□  
 □□□易□□□不業福祐無窮□以鏤功□□□德

重宣此義而□偈云

□□寂勝二菩薩 大庇衆生臻□□ 妙□□□本  
 通達 □□□□□像□ □幾靈山山幾重 一彫  
 一琢現□□ 透迤□路迹曾參 攝心迴□□相□

純孝□□□竭力 苑伽沙□□□

開元□□□□□四月廿三日□□

記文已殘滅首稱號國公下名氏缺惟存一助字蓋  
 勗字脫其上半攷唐書宦者傳楊思勗封魏國公即  
 其人也記稱橫行邊徼追馬援之功以傳證之開元  
 初安南蠻渠梅叔鸞叛思勗繇馬援故道出不意賊

駭貽不暇謀遂大敗封尸爲京觀而還記所指謂此  
又封虢國公在從封泰山時元宗本紀開元十三年  
十一月庚寅封于泰山今記文缺年當亦屬十三年  
後也

授堂金  
石跋

按虢國公有楊花臺銘此碑虢國公亦卽其人

### 陳憲墓誌銘

石高廣均三尺一寸六分廿四行行廿五字隸書題  
殘缺止存唐銀青光祿大六字在偃師縣學明倫堂  
撰書  
人缺

公諱憲字令將平陽臨汾人□□□□□□□□□□

□□□□爲氏洎七葉有漢大□軍棘蒲侯武又□□

□□□□□□□□□□平陽侯子孫家焉祖遠雄武多大

略徵晉昌令不□□□□□□□□高量累辭辭命沒謚真

隱先生積德未享是用有後公□□□□□□氣降虛明之

神清暢條理夷雅閑秀詞學優深操行無玷□□□□

不徇速達年卅鄉貢進士對策上第其年解褐榮澤主

簿□□師尉明堂尉闕鄉令秩滿受

詔關內覆

囚旋琰右臺□□侍御史轉庫部吏部二員外郎丁內

艱哀毀過禮服闋除禮部□功二郎中遷給事中中書

舍人策勛上柱國除大理少卿出爲□州刺史復大理

少卿遷工部侍郎又出爲兗州都督入拜衛尉少卿復

工部侍郎又出爲蒲州刺史入拜太子右庶子遷太子  
賓客累加封嶽陽縣開國伯食邑五百戶凡所歷官咸  
著成績皆任官以祐物不激譽而干進休名自著僉舉  
允諧喪仲弟哀感成疾以開元十三年九月廿五日薨  
于東都審教里第春秋七十八粵以開元十四年歲次  
景寅十一月乙亥朔十六日庚寅葬于偃師縣龍池鄉  
之北原附  
先塋禮也惟公宅乎中庸樂在名教體  
忘悔吝德全終始者朝廷禮人而已又嘗著中道通教  
二論註周易撰三傳通誌廿卷集內經藥類四卷合新  
舊本草十卷並行於代噫可謂立德立言歿而不朽者  
矣嗣子長安縣尉少儀等孝思純至永懷揚口乃刊石  
勒銘以誌幽宅其辭曰

盛憲之後考寔生哲人文義博暢考志業清純孚政光  
國考懋寵榮親立言不朽考全道歸真

碑缺一角故撰書人不可考云公諱憲字令將平陽  
臨汝人又云洎七葉有漢夫將軍棘蒲侯武者按漢  
書文帝紀云三年以棘蒲侯柴武爲大將軍臣瓚曰  
漢帝年紀爲陳武此云柴武爲有二姓功臣表作陳  
武然則憲姓陳又去葬于偃師縣龍池鄉之北原附  
先塋今鄉名旣失墓亦不載于方志又云又嘗著中

金石錄卷七十七  
道通教二論注周易撰三傳通誌廿卷集內經藥類  
四卷合新舊本草十卷並行於代唐志既皆未著錄  
而大觀本草稱引最博亦無藥類書之難成而易失

如此

中州金石記

息恒律師墓誌

石高廣俱三尺五分二十八行行二十八字正書  
蓋題大唐故大德思恒律師墓誌文十二字篆書

唐大薦福寺故大德思恒律師誌文

并序

鄆縣尉常□□□文

道不虛行必將有授受聖教者非律師而誰律師諱思  
恒俗姓顧氏吳郡人也曾祖明周左監門大將軍祖元

隨門下上儀同三司蓀蕪郡開國公使持節洪州諸軍  
事行洪州刺史父藝

皇上恒州錄事參軍並東

南之美江海之靈係丞相之端嚴散騎之仁厚以積善  
之慶是用誕我律師焉律師稟正真之氣含太和之粹  
生而有志出乎其類越在幼冲性與道合兒戲則聚沙  
爲塔冥感而然指誓心乃受業於持世法師咸亨中  
勅召大德入太原寺而持世與薄塵法師皆預焉律師  
深爲塵公所重每歎曰興聖教者其在茲乎遂承

制而度年廿而登具戒經八夏卽預臨壇衆修素律  
師新疏講八十餘遍弟子五千餘人以爲一切諸經所

以通覺路也如來金口之言靡不該涉菩薩寶坊之論  
皆研斫精天下靈境所以示聖跡也乃陟方山五臺間  
空聲異氣幽巖勝寺無不經行感而遂通所以昭靈應  
也嘗致舍利七粒後自增多移在新餅潛歸舊所有爲  
之福所以濟群品也造菩提像一鋪施者不能愛其寶  
建塗山寺一所仁者於是子而來洗僧乞食以生爲限  
寫經設齋惟財所極忘形杜口所以歸定門也詣秀禪  
師受微妙理一悟真諦果符宿心齊尔無生而法身常  
在湛然不動而至化滂流於是能事畢矣福德具矣以  
見身爲過去則弃愛易明以遺形爲息言則證理斯切

乃脫落人廿示歸其真開元十四年十一月廿六日終  
於京大薦福寺年七十有六初 和帝代召入內

道場命爲菩薩戒自充十大德統知天下佛法僧事圖  
像於林光殿 御製畫讚 云云 律師固辭

思命屢請歸閑歲餘方見許焉其靜退皆此類也屬續  
之夜靈香滿室空樂臨門悠尔而逝若有迎者蓋應世  
斯來自天宮而躔降終事則往非人寰之可留弟子智  
舟等彼岸仍遙津梁中奪心獲未去龍爲先歸禪座何  
依但追墳塔法侶悲送且傾都鄙其年十二月十五日  
葬神禾原塗山寺東各願託膝曰思陳盛美法教常轉

自等於圓珠雕斲斯文有慙於方石銘曰

聖立萬法法無二門以身觀化從流討源有爲捨棧無  
生之援律師盡妙像教斯存我有至靜永用息言示以  
形逝留乎道尊有緣有福求我祇園

按碑敘思恒俗姓顧氏吳郡人其曾祖明祖元父  
藝仕于周隋唐代史皆無傳其二祖元菴蕪郡開  
國公遍檢諸地理書從無菴蕪郡名菴字見集韻  
但云艸名而已其蕪字之見于地名者惟兗州魯  
郡有萊蕪縣亦非郡名此碑之所未詳也大薦福  
寺在長安開化坊南自神龍以後翻譯佛經並于

此寺思恒終于寺中殆在寺有講明律疏之功

文又云初和帝代召入內道場命爲菩薩戒師

十大德統知天下佛法僧事圖像林光殿唐之西

內但有佛光寺在甘露殿之左不云有林光殿知

天下佛法僧事者僧職也此職亦不見於諸書律

寺設戒三壇菩薩戒在三壇之內有律師十人證

明之十夫德或卽證明十師思恒殆嘗充菩薩戒

律師也又裴灌撰少林寺碑云景龍中勅中岳少

林寺置大德十人則十大德亦各寺之僧職也和

帝卽中宗謚太和大聖大昭孝皇帝下卷法澄塔



銘云中宗和帝可證也葬神禾原塗山寺東神禾  
原在長安城南子午谷陝西通志但有香積寺在  
原上不云有塗山寺蓋荒原廢刹爲志乘之所漏  
略者多矣碑書世字皆闕筆作廿用字闕筆作用

端州石室記

摩崖高四尺四寸五分廣三尺二十寸八  
行行二十三字正書在肇慶府七星巖

日者託宿秘篆寄傲神府撰奇討異注靈通感冥少海  
口遐囑坤極敞金闕疏玉堂河漢未際其源今昔口聆  
其語口口宛此山郭不在江墳薄人寰騰物外妙有特  
起靈表口口綺田砥平錦嶂壁立肇允洞穴延袤中堂

感恻形以口口口口勢以千變伏虜奔象浮梁抗柱激  
濤海而洪波沸口口口口而羣峯嵯峨飛動逼人屹聳  
驚視密微微而三口口口口口蕭而一變天時竇乳練  
於玉顏石牀列於仙座隔口口口口集福庭寐子窠子  
恍予惚予使營魄九昇嗜慾雙口口口口羽翼志若摩  
雲天秦漢之閒莫知代祀義皇之上口口口口當是時  
也慕名者執雌而退徇物者守心而安求道者口口而  
凝懷書者口口而默有若邦伯早公守恭廣孝聞口口  
口觀國政門口口口口不容於口義心摩口遊者每口  
口口口能吏脩其口口口口業流冗歸止介特又安於

是□□□□琴酌一歌一□□□以遊莫不解榻於斯  
張樂於斯□□□龍遺土駟馬□□避暑窟室締賞林  
巒擊石如□□泉□□固亦轉丹竈掇紫芝迹叅慕之  
遠心惟習隱之幽致者也

開元十五年正月廿五日李邕記

右端州石室記唐李邕撰不著書人名氏考其筆蹟  
似張庭珪書疑庭珪所書也集古錄

唐李邕端州石室記在今肇慶府城北數里七星巖  
巖稱斗光洞洞門外礮石壁而爲之開元十五年正月十

五日也後又有宋乾道己丑秋九月等字歐陽公嘗

定以爲張庭珪書然攷廷珪孔林隸碑字蹟不類蓋

此刻遇夏潦一至輒爲所滄浸磨盪且或經宋時重

刻當已失真矣葉盛榮竹堂稿

肇慶府北七星巖古名定山亦曰崧臺有洞通明宛

委記刻在洞門石壁不類北海書集古錄疑爲張庭

珪書庭珪長於八分凡邕文而庭珪書之者皆八分

此則正書恐未然也記中云有若邦伯早公開元時

有畢刺史者爲宋璟所稱早當作畢是摹刻之誤金石

文字

李北海端州石室記正書字徑寸許在大巖洞口凡

三百八十字可辨者三百四十八字後刻云宋乾道  
己丑秋九月乙丑陶定觀巖口又有北海書景福二  
大字字長寬各四尺有奇畫痕已淺今拓工以硃傅  
之方板盡失神氣粵人多取其福字張於屏障者而  
莫知其爲北海書也

粵東金石略

按文爲開元十五年李邕撰唐書邕傳邕由括州  
司馬起爲陳州刺史帝封太山還邕見帝汴州詔  
獻詞賦帝悅邕素輕張說與相惡會仇人告邕賊  
貨疑當作貨枉法下獄當死許昌男子孔璋上書得減  
死貶遵化尉地理志遵化縣屬嶺南道欽州寧趙

郡元宗封太山在開元十三年十一月其時張說  
正爲右相邕之下獄及貶遵化當在十四年四月  
以前至四月則說已罷相矣此記作於十五年是  
貶遵化時所作也端州與欽州同屬嶺南此碑無  
書人姓名集古錄疑爲張廷珪書不獨廷珪長八  
分此是正書爲不合卽以情事而論廷珪由御史  
出爲沔州刺史從蘇宋魏三州入爲太子詹事致  
仕歷官多在北方去嶺南有數千里之遠似不至  
以石室短記往返遠求則益知非廷珪書矣文云  
有若邦伯旱公守恭記蓋爲邦伯而作下文缺泐

不能見其事蹟爲可惜也

雲居寺石浮圖銘

石高三尺七寸五分廣二尺十二行行二十二字正書在易州

大唐雲居寺石浮圖銘 并敘

太原王大悅撰

敘曰法所務善示儀生念物莫堅石留形則多伊童弗之增砂彼豐家之巖竇不蓋不季非泰非約建茲浮圖丐此門右者鄭氏字元泰今范陽人也崇中宜利用廣蓋所以兼仰正法惠浹多生俾臧與嘉不潰惟永迺竭產充賈罄工割奇璞散良効形都信美素與鮮色皓瑱

級之峨峨黃金明輝爛寶層之擢擢東旭銜珠而更滯南風動鈴而不喧神儀護門而雄雄威如聖象端室以穆穆嚮若庶幾乎上帝萬壽先人百福夫蠢之類凡生之儔莫不覃茲利有如是木皆燼滅土亦塵散惟石之永瞻其有恒繫法之堅念茲無替銘曰

高塔峨峨示延遐曠多生壤壤動善群觸其茲設茲利

無疑無疆其福豐衍其資廣長其彼石惟堅我性亦芝

永永不滅視以知正其

開元十五年歲次單閏仲春八日建

道安禪師碑銘

碑已殘缺廣四尺七寸二十八行字數無考行書額  
題唐嵩山故道安禪師碑九字隸書今在嵩山會善  
寺

上關□□□□□□□□□□曠劫誰比次有□  
禪師乎

禪師法諱道安俗姓李□缺□□□□□皮艱難行洞

精苦越生于開皇洎夫大業缺□戰在野□人□願□

家而塵垢惟深不羸珠曜水霜惟慘不奪松貞

缺□□揚□以曳□□池冽淨以通原是日大

師嚶忍傳禪要於斬下□缺□密□□□□□□片言

洞□□念□則□□□□□法身圓月湛於清空□□缺

達摩□□□□□戊海摠君□以□身一香普聞千

光分照□□而□□□缺大師大師□□日子常有願

當令一切俱如妙門□所安樂□□多矣□□□缺□

□□□□□□□禪師順退避位□美於玉泉□□

□通也迨此就□□缺□□□□□而遊不樂□求竟

居嵩山會善寺焉失日登渾天苦遙夜者□□缺□誓

塗我□拂衣而起却遊以辞益指於荊州玉泉已而返

覆年序矣□□□缺□客□耶則無務薄言神梵儀耶

則無聞往教哲后躬親禪窟咨缺□□年

□道妙動於時能仁感於俗安至如是乎遂不得已而

心副於世缺以□□遣義維□悟之者意豁而無

住昧之者思絕而失常口詬口揚而口口缺入得之同

體日月融朗得以同暉始自山門徧于天下口烏威韶

樂者美克口缺禪師有之惟景龍二年二月三日

中夜缺禪師忽而合門弟子等口缺口口山無

口無口深以林口因之野火口焚而滅惟吾之初口也

口口化口缺口日書馳口口口口相渝至八日遂口

戶去人口脇口口而口詢諸書符口缺聖口口其

歲口故莫得實其口口也嗚呼是生如電隨風口口口

風口口缺不能盡造希聲者不能畢聞門人之間故有

白身請代口血口口而不得者口缺口口口朝可其

付託侯王哀赴侑以禮儀道口惟口口口口嵩巖焚

餘口缺結口口林口異虹口鳥首口連見口感盛口口

去也以子度缺禪師之口缺高斯固道以生口德

惟天縱者也以口教口稱師口有雙峯之學貞不口俗

口缺口被口師資一為聖口一為師寶是以弟子慧遠

口襲明承口演末裕口東傳缺精深口永慕師道長懷

友風口幽石以口言向遺履以投驪或資墨客而揚德

缺

口口口慧以之明定復伊何清照萬有口復伊何明

徹重垢是訓是學惟德惟缺口萬法都膈五蘊何口堂

堂如月光流不極撫照餘暉耿拾無得衆所瞻仰香缺  
會同然永痛斯日載奉何年解吾人之愠妙覺常存化  
吾人之道淨戒弥尊勿缺

缺元十五年十月廿日建

右碑在嵩山廣平宋儋撰兼書開元十五年建道安  
爲宏忍大師之弟子忍受法于達摩所謂一花五葉  
之一也安以隋開皇四年生唐景龍二年卒百三十  
有四歲碑云是生如電隨風電盡卽風如我隨電亦  
空直瞿曇氏牙後慧耳書法道緊豐贍爲唐名家按  
儋字藏諸廣平人高尚不仕呂摠云儋書如暮春花

發夏柳枝低蓋做鍾繇而側戾放縱者開元末舉場

中多師之

金石錄補

道安禪師碑在戒壇西南按傳梅嵩書道安禪師碑  
宋儋書文尙可讀末云建塔僧破竈下損一字袁中  
郎謂神僧破竈墮子細辨損處下從木不似墮字豈  
嵩山有兩稱破竈者乎碑於萬歷時雷轟爲兩截下  
截爲土所壅踰二尺許掘地出之模糊不可讀嵩陽石刻

記

碑在會善寺戒壇西南壘中首行大唐嵩山會善寺  
故大德道安禪師下闕廣平宋儋撰兼書黃伯思東

觀餘論曰宋僖唐明皇時人學鍾書但作側戾殊失  
天勢王著錄與斯邈並列不知爲唐士也僖有嵩山  
圭禪師碑傳於世字不甚工說

按釋氏有南北二宗慧能爲南宗神秀爲北宗傳  
燈錄如來以正法付迦葉傳至達磨來此爲初祖  
暨五祖二弟子慧能住嶺南神秀在北得法雖一  
而開導發悟頓漸不同故曰南頓北漸此南北二  
宗之旨也據金石錄補謂道安爲宏忍大師弟子  
忍受法于達摩云云考達磨爲東土初祖其二祖  
爲慧可三祖爲僧燦四祖爲道信五祖爲宏忍六  
祖爲慧能以紫金鉢相傳是爲一花五葉宏忍得  
衣鉢于道信非受法于達摩宏忍心印傳于慧能  
其自神秀以下及旁出法嗣俱無道安之名金石  
錄補豈別有所據耶道安爲東林慧遠之師遠公  
建東林在晉太元十一年詳見下卷東林寺碑此  
碑建於開元十五年而碑云道安俗姓李生于開  
皇洎夫夫業又去景龍二年二月三日中夜合門  
又云弟子慧遠口襲明承口演末裕云云並非追  
敘緣起之語又不似別一道安疑不能明也

少林寺碑



碑高八尺七寸廣五尺三寸三十九行行六十餘字不等正書在登封少林寺鐘樓下

皇唐嵩岳少林寺口

銀青光祿大夫守吏部尚書上柱國正平縣開國子  
裴灌文并書

原夫星垂梵界 聖緣開萬化之先日照王宮神跡蘊  
三靈之始包至虛以見世象教久傳於曠劫籠羣有以  
示凡法身初應於中古見神通之力廣拔苦因開智惠  
之門深明樂界鶴林變色觀其戀慕之心鳩塔開扉通  
其瞻仰之路少林寺者後魏孝文之所立也東京近甸  
大室西偏正氣居六合之中清都控九州之會緱山北  
峙亘宛洛之天門潁水南流連荆河之雲澤信帝畿之  
靈境陽城之福地沙門跋隨者天竺人也空心元粹惠  
性淹遠傳不二法門有甚深道業緬自西域來遊國都  
孝文屈黃屋之尊申緇林之敬太和中詔有司於此寺  
處之淨供法衣取給公府法師迺於寺西臺造舍利塔  
塔後造翻經堂香水成塗金繩爲約苦心精力俾夜作  
晝多寶全身之地不日就功如來金口之說連雲可庇  
西緣長澗夾松栢之蕭森北拒深崖覆筠篁之冥密烟  
花濃靄暝下天香泉籟清音曉傳空樂跋隨息心茲地  
樂靜安居感而遂通境來斯證寤寐之際若有神人致

石磬一長四尺規制自然聲律咸其得之河曲空聞漢  
使之談浮于泗濱徒入夏王之貢管絃風夜合清響於  
中天鍾梵霜晨諧妙因於上劫時有三藏法師勒那翻  
譯經論遊集刹土稠禪師探求正法住持塔廟虬箭不  
居光塵易遠虹梁所指象設猶存周武帝建德中口元  
嵩之說斷釋老之教率土仰藍咸從廢毀明皇帝繼  
明正位追崇景福大象中初復佛象及天尊象廼於兩  
京各立一寺以孝思所置以陟岵爲名其洛中陟岵卽  
此寺也隨高祖受禪正朔旣改微號已殊唯此寺名  
特令仍舊開皇中有詔二教初興四方普洽山林學徒  
歸依者衆其栢谷屯地一百頃宜賜少林寺大業之末  
九服分崩羣盜攻剽無限真俗此寺爲山賊所劫僧徒  
拒之賊遂縱火焚塔院院中衆宇倏焉同滅瞻言靈塔  
巋然獨存天龍保持山祇福護神力所及昔未曾有寺  
西北五十里有栢谷壑羣峯合沓深谷逶迤複磴緣雲  
俯窺龍界高真拂日傍臨鳥道居晉成塢在齊爲郡王  
充僭號署曰轅州乘其地險以立峯戍擁兵洛邑將圖  
梵宮皇唐應五運之休期受千齡之景命掃長蛇荐  
食之患拯生人塗炭之災太宗文皇帝龍躍太原軍  
次廣武大開幕府躬踐戎行僧志操惠瑒曇宗等審靈

瞻之所往辯謳歌之有屬率衆以拒僞師抗表以明大  
順執充姪仁則以歸本朝 太宗嘉其義烈頰降璽書  
宣慰既奉優教兼承寵錫賜地冊頃水碾一具卽栢谷  
莊是也迨海寓旣平憲章云始僞主寺觀盡令廢除僧  
善護洞曉二門遠該五行誦 闕進表特蒙置立武德  
中寺有白雀見貞觀中明禪師造重塔之辰白雀復瑞  
璿圖肇啓初欲呈祥寶殿纔興遽聞相賀 高宗  
天皇大帝允紹鴻業欽明至理嘗因豫遊每延聖敬咸  
亨中 乘輿戾止 御飛白書一飛字題寺壁雲開  
及施物永淳中 御札又飛白書一飛字題寺壁雲開

願鶴電搏遊龍神草競秀於樹塗雲泉迴飛於錦石雕  
薨增耀若綴春葩金疊分輝似懸秋露 天皇升遐

則天大聖皇后爲 先聖造功德垂拱中有冬竹抽筍

塔院後復有藤生證聖中中使送錢於藤生處修理階

陛寺上方普光堂功德隨日修造自尔飛鳥莫敢翔集

此寺跋陀疏置業造神微 皇家尊崇事光幽秘瓊苻

荐臻於動植靈應亟發於庭除 累聖屬心每頌渥澤

王言宸翰旣疊映於雞峯寶像珠幡亦交馳於龍壑

皇上睿圖廣運神用多能精明臺之化清繹天池之墨

妙以此寺有先聖締構之跡御書碑額七字十一年冬

爰降 恩旨付一行師賜少林寺醵勒梵天宮殿懸日月之光華佛地園林動煙雲之氣色漢元魏武徒銜奇於案素鍾繇蔡雍虛致美於緇簡日者 明勅令天下寺觀田莊一切括責 皇上以此寺地及碾先聖光錫多歷年所襟帶名山延表靈跡羣仙是宅邁羅閱之金峯上德居之掩育 王之右室特還寺眾不入官收曾是國土崇絕天人歸仰固以名冠諸境禮殊恒剎矣高僧跋陁明三藏心禪諸門弟子惠光道房稠禪師等精勤梵行克傳勝業惠光弟子僧達曇隱法上法師等十大德亦號下英復有達摩禪師深入惠門津梁是寄弟子

惠可禪師等元悟法寶嘗託茲山周大象中寺初復選沙門中德業灼然者置菩薩僧一百廿人惠遠法師洪遵律師卽其數也 皇唐貞觀之後有明遵慈雲元素智勤律師虛求一義洞真諦之源復有大師諱法如爲定門之首傳燈妙理弟子惠超妙思奇拔遠契元蹤文翰煥然宗塗易曉景龍中 勅中岳少林寺置大德十人數內有闕寺中抽補人不外假座無虛授澄什照華林遠接武星霜殆周於二紀蘭菊每芳於十步上座寺主都維鄒等牢籠法藏遊息禪林德鑿神珠或成甘露海內靈岳莫如嵩山山中道口茲爲滕殿二室迴合八

金石錄卷七十一  
谷潺湲地通貝花門連石柱妙樓香閣俯映高林金剝  
寶鈴上搖清漢法界之幽贊如彼 皇家之福應如此  
天長地久不傳忉利之宮劫盡塵微孰記鐵圍之會精  
求貞石博訪良工將因墨客之詞或頌金仙之德聿宣  
了義遠喻真空其詞曰

恒沙國土微塵品類妄見飛奔正心蘊櫃昏途莫曉淨  
根將墜樂於蓋纏若夢寐承哉大聖降跡闡浮潛迴  
寶軸廣運慈舟實無滅度示有降柔紺宮西闕白馬東  
流迷因慢生悟爲信起玉剎斯逮寶山載峙花臺竹林  
清泉妙水靜唯真相湛然攸止巖巖嵩嶺河洛巨鎮下

屬九溪上千千仞天磴重阻仙都清峻式創招提是資  
誘進婉彼上德載誕耆闍傳業西土演教中華孝文申  
敬恩錫仍加經營寔室迴出雲霞中岳北陲嵩高西麓  
斜界玉池洞開栢谷紆餘崗間連延水木鬱起旃檀云  
誰卜築吾師苦行清修道場廟精像宇專力經堂金界  
繩直樹塗水香散花有地栖禪得方解空應真默識開  
士乘盃遊集振錫冥止翻譯幽偈發揮妙理仙罄感靈  
神雀降祉運交土木代歷周隨劫火逝起魔風竟吹法  
身咸翳淨國同隳或聞興復詎振崩離神堯應期撥亂  
反正皇矣覺力大宏福慶式遏醜徒聿扶興 聖累降

金石錄卷十七  
恩旨兼敷錫命 高宗時豫先后卜征亟廻雕輦屢倚  
虹旌巖題玉札地振金聲瓊符荐至在物斯呈 我皇  
龍興有典威秩懿茲上界式諸神筆雲搖天圍鸞迴少  
室草垂仙露林昇佛日護持八正每候能仁跋隨降德  
稠公有降厥後真侶更傳了因辯才高行無替清塵倬  
焉梵衆代有明哲今我諸公蘊彼禪悅芳越蘅杜淨踰  
冰雪遠締津梁無非苦節頓上靈岳山間寶殿秀出梵  
天孤標神縣芥城可竭菜田有變貞石永刊靈花常遍  
開元十六年七月十五日建

裴懿公灌書少林寺碑開元十六年建久在嵩山而

金石錄不載何也裴少時負文筆號霹靂手而雅不  
以八法名此碑辭至沓掩不可讀而書頗秀勁多媚  
態得非時代爲之耶傳不載階封此書銀青光祿大

夫正平縣子亦可補傳之闕

兪州山人稿

右唐嵩岳少林寺碑守吏部尙書裴灌撰并正書少  
林寺在河南登封縣少室山麓去嵩岳二十里嵩岳  
一稱太室故有少室而此寺曰嵩岳者統于尊也予  
正德癸酉嘗遊嵩岳少室留宿寺中見殿後有立雪  
堂相傳昔達磨之徒惠可欲嗣其法雪深至腰不去  
此卽其處寺右上山三里有達磨洞洞有石達磨面

之九年形宛然石上其事甚異達磨為釋氏西來初祖可稱二祖碑雖及其人而二事皆不之載寺復有太宗與僧教書石刻蓋太宗為秦王時寺之僧禽王世充以獻故太宗賜書褒美而碑云僧執世充姪仁則以歸與教書不同予故書之以見古人之文無不缺誤如此然非予之親歷則亦莫能知也

金薤琳瑯

碑內王字俱鐫去按金史海陵正隆二年二月癸卯改定親王以下封爵等第命置局追取存亾告身公私文書但有王爵字者皆立限毀抹雖墳墓碑誌並發而毀之則知前代封爵之碑有王字者多毀仆於

此時而此碑以梵力獨存乃其間王宮夏王王言育王等字亦從而鐫去矣完顏之不通文義而肆為無道可勝歎哉唐碑遇帝號必空三字此碑所紀宇文周事有明皇帝皇上空三字有隋高祖祖上空三字而前有周武帝却不空蓋繼流不通古今者之所為也


金石文  
字記

少林寺碑裴灌撰並書王元美謂懿公少負文筆號霹靂手此灌父炎之事炎之為同州司戶參軍甚少不主曹務刺史李崇義內輕之積案數百讓使趣斷炎之命吏連紙進筆為省決一日都盡與奪當理詞

筆勁妙崇義驚曰子何自晦成吾過耶由是名動一  
州號霹靂手子濯仕至吏部尚書曾諫止造玉真金  
仙觀當時稱長于敷陳碑復繁蕪書頗得褚河南之  
勁俊而無宿暎春林之致金石史  
裴濯新舊史皆立傳其封正平縣子則史所失載也  
或謂子男五等封爵之細於史傳可不書然嘗攷之  
唐史如魏徵嘗封鉅鹿縣男杜如梅封建平縣男孔  
穎達封曲阜縣男又進爵為子歐陽詢封渤海縣男  
歐陽通封渤海縣子韋虛心封南皮縣子吳兢封長  
垣縣男柳沖封河東縣男俱載於本傳未嘗從略則

此之不書者難免疎漏之譏矣

潛研堂金石文政尾



法師

後祖榮


精粹之氣

金石錄卷之二十一



筆勁

州



此之不書皆藥兌刺識之端矣 不文如耳 晉而堂金

金石萃編卷七十八

賜進士出身 誥授光祿大夫刑部右侍郎加七級王昶撰

唐 三十八

興聖寺尼法澄塔銘

碑高三尺七寸廣二尺九寸三十五行行三十二字正書在西安府咸寧縣城外馬頭空

大唐故興聖寺主尼法澄塔銘 并序

宗正卿上柱國嗣彭王志曠撰并書

法師諱法澄字无所得俗姓孫氏樂安人也吳帝擢之

後祖榮涪州刺史父同同州馮翊縣令法師弟二女降

精粹之氣含宏量之誠大惠宿持靈心早啓鑒浮生不

住知常樂可依託事蔣王求爲離俗遂於上元二年出家威儀戒行覺觀禪思跡履眞如空用恒捨遂持瓶鉢一十八事頭陀山林有豹隨行逢神擁護於至相寺康藏師處聽法探微洞悟同彼善才調伏堅持寧殊海意康藏師每指法師謂師徒曰住持佛法者卽此師也如意之歲注刑肆逞誣及法師將扶汝南謀其義舉坐入宮掖故法師於是大開聖教宣揚正法歸投者如羽翮趨林藪若鱗介赴江海昔菩薩化爲女身於王後宮說法今古雖殊利人一也 中宗和帝知名放出中使供承朝夕不絕景龍二年大德三藏等奏請法師爲

紹唐寺主

勅依所請

今上在春宮幸興

聖寺施錢一千貫充脩理寺以法師德望崇高

勅補爲興聖寺主法師脩緝畢功不逾旬月又於寺內畫花嚴海藏變造八角浮屠馬頭空起舍利塔皆法師指受規模及造自餘功德不可稱數融心濟物遍法界以馳神廣運冥功滿虛空而遇化不能旣理事塗請解寺主遂抄花嚴疏義三卷及翻盃蘭盆經温室經等專精博思日起異聞度狀不生誦經行道視同居士風疾現身乃卧經三旬飲食絕口起謂弟子曰我欲捨壽不知死亦大難爲當回緣未盡後月餘儼然坐繩床七日

全石志卷之十一  
不動唯聞齋時鍾聲卽喫水忽謂弟子曰快我卧我不  
能坐死卧訖遷神春秋九十開元十七年十一月三日  
也以其月廿三日安神於龍首山馬頭空塔所門人師  
徒弟子等未登證果豈知鶴林非永滅之場鶯嶺是安  
禪之所踴慕之情有如雙樹法師在孝幼懷容儀美麗  
講經論義應對如流王公等所施悉爲功德弟子嗣彭  
王女尼弥多羅等恐人事隨化陵谷遷移紀德鑿功乃  
爲不朽銘曰

易高惟一道尊自然大法雄振豈曰同年優陋花色曇  
弥善賢錯落倫次師在其閒濟彼愛河拯斯苦海導引  
羣類將離纏蓋不虛不溢常住三昧是相無定隨現去  
來雙林言滅金棺復開有緣旣盡歸向蓮臺衆生戀慕  
今古同哀

刻字朱曜光

右興唐寺主尼法澄塔銘嗣彭王志曠撰并書志曠  
嘗爲宗正卿唐書宗室世系所未載也志曠女彌多  
羅出家爲法澄弟子而法澄祖父亦皆列官于朝蓋  
唐時朱門世胄無不欽信佛法以帝女之貴且有出  
家學道者其它固難悉數矣文云如意之歲淫刑肆  
逞誣及法師將扶汝南謀其義舉坐入宮掖中宗和

帝知名放出蓋武后時嘗沒為宮婢者古人命字或  
取三字如張天錫字公純蝦崔宏度字摩訶衍之類  
法澄字无所得亦三字也

潛研堂金石文跋尾

### 麓山寺碑

碑高一丈七寸八分廣五尺三寸八分二十八行行  
五十六字行書額題麓山寺碑四字篆書在長沙衡

山縣嶽麓書院

夫天之道也東仁而首西義而成故清泰所居指於成  
事者已地之德也川浮而動岳鎮而安故耆闔□□□  
□□□□□□□大拓厥旨元同□以迴向度門踰于

郭右仰止淨域列乎巖巔寶堂爰業於太虛道樹森指  
於曾渚無風而林壑肅穆□□□□□□□□□未直

梵天猶俗名稱殆絕地位嘗□者不其盛歟麓山寺者  
晉太始四年之所立也有若法崇禪師者振錫江左除  
結□□□□□□□□□□□廟棟宇接近雲霧晦冥

赤豹文狸女蘿薜帶山祇見於法眼寶后依於佛光至  
請舊居特為新寺禪師泊翌□宏聚謀分衆□□□□  
□□□□□□□丘墟盡平太康二載有若法導禪師莫

知何許人也默受智印深入證源不壞外緣而見心本  
無作真性而注福河大起前功重啓靈應神僧銀色化  
身丈餘指定全模標建方面法物增備擅供益崇廣以

凌雲之臺疏以布金之地有若法愍禪師者江夏人也  
空慧雙銓寂用同轡慈目相視淨心相續綜覈萬法安  
住一歸注大道經究上乘理永託茲嶺克終厥生逮宋  
元徽中尚書令湘州刺史王公諱僧虔右軍之孫也信  
尚敬口作爲塔廟追存寶相加名寶山歟乎弓冶筆精  
陶甄意匠畱書藏石緘妙俟時候法字之傾佢期環價  
以興葺遠慮將久遺事未彰梁天監三年刺史夏侯公  
諱祥了義重元別構正殿紹泰二年刺史王公諱琳律  
師法賢或在家出家或聞口眼見建涅槃開甘露門  
長沙內史蕭沆振起法鼓宏演梵言繼述於景鍾口

貝葉於曾閣陳司空吳明徹隨侍中鎮南晉安王樂陽  
王竝佛性森然國植秀者壯迴廊以雲構蔚愁居以天  
覆開皇九年天台大禪師守護法口口清悲海巖幢標  
聳智火融明襲如來堂坐法華定四行樂而不取三賢  
登而更遷有若曩捷法師者伐林及樹染法與衣不墜  
一滴之油有霑大根之雨揔管大將軍齊郡公擢公諱  
武福德疰巖喜慧方便疏寫四部鎮重百城有若智謙  
法師者願廣於天心細於氣誦習山頂創立花臺有若  
摩訶衍禪師者五力圓常四無清淨以因因而入果果  
以滅滅而會如有若首楞法師者文史早通道釋後

得遠涉吳會幽尋天台法界圖口剡中真訣論於湘上  
具究竟或敷解說筵一法開無量之門一音警無邊之  
衆方等有以復悔雙林有以追遠並建場所耳爲住持  
惟口口禪師者口其武憑其高超乎雲門絕彼塵網深  
以爲性有習道有因止於心反於照習也者坐乎樹居  
乎山因也者固習而無因則不住因而無習則不證是  
口區和正覺阿若冥搜想息而精進甲堅受除而煩惱  
散散百川到海同味於鹹千葉在蓮比色於淨起定不  
離於平等發慧但及於慈悲故能口口順口口口口口  
口口牧伯萃止皇華游臻啓焚香之上緣託成佛之嘉

願上座惠口寺主惠亶都維那興哲等皆靜慮演成妙  
輪轉次因差別而非法口口口口口口口口見而入流  
率一心而辦事成口形勝之會如彼脩行之迹如此而  
豐碑未勒盛業不書安可默而已哉將何以發揮頌聲  
披揚宿志口口口口口口口口公名彥澄碩德高闡紹賢  
遠口口口口厚撿捺冰清屬以師長口口攝行隨手以  
家而形於孝友以己而廣於詩書以重而雅俗口口口  
口口口口若且鸞歸心淨土口口口口口口口口外  
幢興開示之眞語口謀羣吏乃命下寮顧蛟山之易疲  
歎龍宮之難口其詞曰

天地有象口賢建極宴坐中巖成道西域後代襲武前  
良作則安口口口口口口口口口口契三歸願塞 其一

金方置廟衡麓開場龍象擁口人天口香鬼神賜

土靈化度堂重鎮牧伯上游候王光昭法侶大啓禪房

其二 口口口口口口口口口口郭萬家帶江千里玉口布

飛石林雲起口口口口口口用窺窓裏花臺隨足天樂盈耳

其三 人與地靈心將法滅既往在此比明齊哲口口口

口口口口口口連率順風駟驪欽烈口口口口口口馳口絕

其四 碑口莫建軌物未宏和合是請佐貳是膺政敷大

郡信發廣乘願言有述以訪無能惟石可口口口口口口

前陳州刺史李邕文并書

大唐開元十八年歲次庚午九月

英英披霧其德允燦卓立雋才標口口口

余友俞仲蔚爲余言李北海岳麓寺碑勝雲麾余亟

購得之題名稱前陳州刺史按邕謁上太山還獻詞

賦上悅會有仇人發其贓者張說忌之下獄論死許

昌男子孔璋救之得免謫尉遵化此其赴謫時道書

也碑文頗庸陋又於杜拾遺集見其一詩禔語殆不

可曉何以負十將莫邪稱於世耶邕以織文獲名以

虛名獲死以佳書獲訾皆所不虞者因附識之 兖州山人

是碑筆勢雄健刻字亦出公手大凡李公書言黃鶴

仙伏靈芝元省已者皆託名也

蒼潤軒碑跋

文云元微中尚書令湘州刺史王公僧虔右軍之孫

也以晉宋齊史考之僧虔為丞相導之元孫於義之

為族曾孫不當云孫也又云梁天監二年刺史夏侯

公諱祥按梁書南史俱作詳古書祥詳二文恒通用

潛研堂金石文跋尾

碑舊為集錄者所收僅見碑陽而已其陰則自予

長沙始得之者也此碑為世所重然惟題曰嶽麓寺

碑今證以題額作方篆陰文凸起蓋為麓山寺碑再

證之文內亦云麓山寺者晉太始四年之所作也而

杜工部詩又稱麓山之南則向所名嶽麓寺碑疑為

非實又石墨鐫華去在岳州府金石文字記云今在

寺中皆得之傳聞予以目驗觀是碑在書院之右十

餘步碑陰列銜書名為妄庸人題名交午橫貫以致

損蝕不可次第予稍就其可辨者志之第一層有功

曹參軍字倉部員外同正李字戶曹參軍士曹參軍

參軍趙參軍劉利器字又錄事王敬撰博士張長卿

可見者三人又下博士王獨存姓而已又柳令姓名



闕贊尚可尋讀成句有曰禮樂仕門闕君子同官比

能隣闕為美坦坦為懷謙謙虛已有力豐碑下漫滅

第二層首行長沙字可辨三行康楚元名四行成麟

字五行上柱國懷靖字皆彷彿可辨下數行并有尉

員外同正字閒行亦有贊名家闕意君子德心闕木

繁林階下無訟堂上有琴大絃以雅小絃不淫又有

醴陵令李仁丞張道士簿張思已尉李靈尉張光庭

衡山令劉咸之丞劉員外尉王光大尉周待微湘鄉

令王武信下闕不全者陽合孟瀏陽令主簿張字又

贊華宗舊德利器闕播政震雷闕有典有則字可見

第三層有鄧洪敏石泰桓嗣宗張輝楊庭訓朱封禪

祝仁期姓名悉存此以予考之碑陰諸列名者皆不

顯于唐世而所見又剝蝕無餘然喜由予而收錄使

後世知有其名者必自此發之也坦字闕畫以避睿

宗諱且故書之如此地理志衡州下衡山本隸潭州

神龍三年來屬今碑在開元十八年則衡山隸衡州

久矣然衡山令猶列讚于此何也豈與守潭者有舊

識與今守潭者名在碑陽獨彥澄字存百餘有政和

題名一淳闕題名下牛元若題名一其大書橫勒者

則前明提學郭登庸也授堂金

按碑在嶽麓書院昶數過長沙渡湘江詣書院親  
至碑下見是碑上多裂文土人作亭碑嵌亭壁甚  
固碑陰所題今不可復見矣碑爲李邕書李邕自  
開元十三年十一月後獲罪貶遵化尉至是蓋五  
年矣弇州山人謂此碑是邕赴謫時道中所書然  
則當時謫貶卑官竟可遷延不赴觀其題銜作前  
陳州刺史而不云遵化尉又可見謫官亦不必入  
之題署矣下篇東林寺碑與此同碑云紹泰二年  
刺史王公諱琳梁書王份傳份長子琳字孝章舉  
南徐州秀才累出爲明威將軍東陽太守不云其

爲湘州刺史則非碑所稱王琳碑所稱者當是北  
齊書所載王琳字子珩會稽山陰人少好武爲將  
帥遷岳陽內史以軍功封建寧縣侯拜湘州刺史  
事在隨王僧辯破侯景之後與碑稱紹泰年相符  
碑云陳司空吳明徹陳書明徹傳載其爲司空在  
太建八年碑云隨侍中鎮南晉安王樂陽王竝佛  
性森然國植秀著隋書諸王傳無晉安樂陽二王  
惟陳書有世祖第六子伯恭立爲晉安王而樂陽  
亦無考碑云總管大將軍齊郡公權公諱武福德  
莊嚴喜慧方便疏寫四部鎮重百城隋書權武傳

武字武彜以忠臣子起家拜開府襲爵齊郡公高祖受禪拜浙州刺史伐陳之役以行軍總管從晉王出六合後以創業之舊進位大將軍檢校潭州總管碑所載當在此時王弇州謂碑文庸陋并論邕詩多穉語詩附見杜少陵集卽登歷下古城員外孫新亭詩

### 大忍寺門樓碑

裝本高廣行字皆不計隸書

唐開元十有八年定之深澤大忍寺尼脩巨靈分守以威不若惟窳與隩復樓之三拱於□□□□□□□□□□

□□□□□□□□參差竦□以□□垣巖廊於亦制立

張皇前殿以爲一寺之表此寺也始聞於晉魏代歷於

周隨有舍利之感無憂之跡靈龕□闕然恒所嗟快今

斯一舉可謂盡美夫其櫺蟲□□嵯峨山峙偃□日月

棲□風煙□□微坐脩檐遐視數百若指諸掌縱因遐

觀則左碧海而有青山依違諸梵之宮俄不知川原并

邑之所在請循其□正象之紀也始以經論成□終以

功福宅心故建茲樓用周所願蓋式資□之不可以志

也則所以誓□言護建寺綱列釋合志存誠於是閭閻

首豪無非悅服大捨者卅有三戮力者五十轉勸者百

有八千餘室同欲共貫竭款効勤終始一心有死無二  
凡社保婚聘之禮牲幣之費則歸之所謂從闇入明信  
異郡殊方從善如流嚮黃式競者不可勝紀八材是購  
口口如雲茂績有孚職迺歸木石之攻也已陰判於巖  
壤之間收之果與度量合拙輪旣口不勸而奔推轂排  
轅其指可掬者萬數先是深數丈及茲可揭力未其神  
功也歟天恩越白恒典白足眞務所以凝也口就業口  
匪翔價善且不孤恭惟大師以解脫之身宅無漏之界  
而猶不我遐棄紫金其容從悲願也然則鴻濤沸于眞  
乎海且晏然化惡云滅乃今靈儀在殿雖不口於往來

而神足潛遊心每陪於履踐則雲然作爲紺宇祇陋氏  
高尚其事不利黃金以今而觀有足係也超忽時事杳  
然刊諸峨峨茲樓矯矯首出萬構爭竦橫雲造日峻城  
仰壁靈口口口擢擢金容魂態可悉超超自功可久其  
利匪一海獄灰揚此焉終吉刺史段公崇簡動中權言  
合道德惟淳懿政不苛煩故百姓安口 別駕符公子  
珪長史迹佐理之德實難其人 司功李公眞縣令劉  
公遂昌好寬厚之德行和乃心茲樓故獲終吉 丞齊  
公賢主簿樊公璆尉張公懷尉張公仲良前尉乘公璉  
以道聯口口口口口口口口口口 關

唐大忍寺門樓碑沙門釋具撰裴抗八分書開元十

八年金石錄

### 東林寺碑記

碑高一丈三寸七分廣五尺六寸三分二十四行行五十二字行書在九江府東林寺

前陳州刺史口夏李邕文并書

上尼丘啓於夫子鷲嶺保於釋迦衡昇之託思天台之

棲顛豈徒然也故知土不厚則巨材不生地不靈下開

宿根果於福庭大口萌於淨土其來尚矣東林寺者晉

太元九年慧遠法師之所建也世居鴈門樓煩俗姓下

初涉華學不讀非聖之書中畱範經尤遠是田之說嘗

就恒岳觀止道安火遇於薪玉成於器雖根種諸佛下

喻維摩詰答更了空門安住四依脩捨二法和上歎曰

吾道行者惟此人焉屬朱序尋戈緇徒逃海道由下崇

勝有足厖居居地若無流池曷去法字大誰神廟特異

蓮峯結跏一心開口五力以杖刺地應時涌泉下演妙

乘浮囊毒流木鐸正教首唱南部轉覺後人以智慧刀

斷煩惱鑠由是真僧益廣妙口日崇隘其下安棲口曇

現之門生隣慧永之阿若相與撰平圃踰曾巖在山之

陽居水之右經其始而未究其末下司人柄斡國鈞以

福庄嚴因憍檀施書日力之費盡土木之功繚垣雲連

厦屋天聳如來之室宛化闕下若奧宇冬煥高臺夏清玉

水文階而碧沙瑤林藻庭而朱實瑠璃之地月照灼而

徘徊旃檀之龕闕下什致其澡瓶巧窮雙口姚泓奉其雕

像工極五年殷懃掘衣而每談盧循避席而累贊道靈

三界闕下首觀其育王贖罪文殊降形蹈海不沉驗於陶

侃迫火不熱夢於僧珠願苟存誠祈必通感既多口口

口口日乍積陽闕下舍利東化或塔踊於地或光屬於大謝

客欣味而成文劉斐誦訶而覃思所以山亞五岳江比

口口憑法而自高物闕下有崇禪師者傳燈習明安心

樂行指拳猶口薪盡如生次有果口二法師僧寶所欽

克和止觀口口口口大用繼住持上座闕下維那道貞等皆

沐浴福河棲止淨業諸結已盡白黑雙遣衆生可度名

口兩忘慕盛名於舊口口口口意於今作重建雅闕下有慙

豈云傷手握筆餘勇曷議齊賢但相如好仁慕藺名而

激節伯喈聞義讀曹碑而敘口口口口於藍冰寒於水

非日口口口口口口其詞曰

靈山兆發真僧感通刺口口口口神致功法儀外演禪

心內融性除遍執門開大空其一瞻礼雲集庠居峯薄

越嶺岳勝降口口口口臣檀施護供興作大起重階口

口口閣其二嚴幢踊出寶塔飛來尊容月滿法宇天開

化城改築道樹移栽松清梵樂石□□□□金容海

游法影山薦毒龍業消□□心變萬里西傳一時東現

華戎異聞穹厚驚眙其四遠實法主謝惟文日光頌累

彰□□□□起江山聲流金石一言可追千載□激

其五了性了義或古或今止持紹律定慧通心覩物情

至懷下

大唐開元十九年七月十五日建

皇元至元三年歲次後丁丑四月乙巳□初八日戊

寅當代住山沙門慶哲重立石

廬山之勝甲天下而東林又山之勝處也由遠法師

居之而名益重至宋照覺捨公易為禪林而寺始大

其間名賢□闕世所珍延祐七年寺火碑壞住山古

智禪師既新其寺復取李碑舊本重摹刻之或謂道

無今古時有廢興而文□□闕取焉而禪師之言

曰道外事乎事外道乎華嚴法界世俗衆藝皆為道

用且吾以興復之勞欲後之繼吾居者□□闕□□

者而述之於將來也故吾之刻石庶有勸於後云龍

翔法弟大訢聞而識其說于下時至元三年二月

觀李北海書東林寺碑題記正書一行

闕翰想見風彩洪州刺史兼御史中丞裴休

又正書兩行左行

元豐四年口月十六日楚國米黻

李邕虞集東林寺二碑在寺東山麓多剝落嘉靖乙

卯戶部主事田汝麟始構亭覆之

桑喬廬山紀事

北海守李公作東林寺碑手筆一軸俾模而刊石藏

於寺者凡百一十三歲釋雲皋一旦視碑卷歎曰莫

石莫刊將焉用僧遂募緣成其事會河東裴公開府

鍾陵聞皋志願亦垂信施因自染翰贊列爵秩名氏

於卷末皋乃得模而刊於碑

張又新東林寺建碑記略

開元李北海誤東林碑書凡一千零三十七字洪州

刺史裴休題云覽北海詞翰想見風采卽米黻蔣之

奇咸有款識延祐七年寺火碑壞住山古智禪師復

取李碑重摹刻之立於虎溪三笑橋萬歷丁酉竟爲

醉髡所斷毀去全文四十七字自眞老僧以栗木鑲

笱移撤神運殿中又藏碎碑一十五字補之其呵護

翰墨良云摯矣

張申椒園隨筆

按毛德琦廬山志廬山舍利塢南爲東林寺晉沙

門惠遠之道場也初遠公自樓煩至廬山結庵于

西林之東以居曰龍泉精舍其後刺史桓伊爲請

立寺曰東林而名殿曰神運張天覺神運殿記曰



釋迦文佛殿徧天下以萬計而此殿獨曰神運何也初遠法師過江將適羅浮宿廬山逆旅感山神託夢徘徊登覽溪流散漫無足廬者一夕雷雨晦暝山水暴至向之中流化爲平陵花木羅列其上九江太守桓伊聞而神之爲之請建寺以居神運之名蓋得諸此云又按十八高賢傳慧遠姓賈氏雁門樓煩人幼而好學年十三博綜六經二十一欲渡江從學范甯南路梗塞有志不遂時釋道安建刹于太行常山一面盡敬以爲眞吾師也遂與母弟慧持投簪受業因求直道場沙門曇翼每給

燈燭之費安師嘗臨衆歎曰使道流中國者其在遠乎後隨安師南遊襄陽值秦將苻丕爲寇乃分張徒屬各隨所往師乃與弟子數十人南適荊州居上明寺念舊與同門慧永約結屋於羅浮太元六年至潯陽見廬山閒曠可以息心乃立精舍以去水猶遠舉杖扣地曰若此可居當使朽壤抽泉言畢清流湧出潯陽亢旱師詣池側讀龍王經忽有神蛇從池而出須臾大雨歲竟有秋因名龍泉精舍永師先居廬山西林欲邀同止而師學侶寢衆永乃謂刺史桓伊乃爲建刹名其殿曰神運以

在永師舍東號東林時太元十一年也先是潯陽陶侃碑傳刺廣州漁人見海中有神光網之得金像交殊誌云阿育王所造後商人於海東獲一圓光持以就像若彌縫然侃以送武昌寒溪及侃移督江州迎像將還至舟而溺及寺成師至江上虔禱之像忽浮出遂迎至神運殿造重閣以居之因製文殊瑞像贊此遠公初建東林寺之大凡也此碑雖闕泐其文存者大半多合可以參考而得其詳矣碑建於開元十九年似係崇禪師等重建東林記其興作之事而述遠公緣起得十之七八碑為李邕撰書亦題前陳州刺史與麓山寺碑同

支提龕銘

石約高六尺廣四尺三寸  
二行行四十八字行書

三尊眞容像支提龕銘

陳畱蔡景撰

原夫至道寥廓等寂寞以無言眞智如如湛然口口之外應權變化運神用於無邊至於無生之生示現非相之相灑甘露於塵界普洽四生轉法輪於大千哀矜六趣口大悲口口孰能預於斯焉我大師造化神功此地多形勝之所金門梵響振萬古之音聲豁谷伽藍樹

金石錄卷之十一  
芳回於億劫隣茲福階之口口靈瑞之幽巖仰瞻鷲嶽  
之峯俯接祇園之地非直溪谷幽邃抑亦聖跡昭然康  
哉大哉故無德而稱矣爰有遺法弟子 義紉乾壽  
等宿乘妙業俱崇勝因稟質天資人靈特秀懼暴流之  
叵度建愛渚之津梁口乃運用奇功依巖起塔雕龕鏤  
室窮匠口之神綺飭莊嚴竭工輸之妙望之如日自有  
昭昭之暉仰之如天非復蒼蒼之色大千世界悉現於  
寶蓋之中應化三尊處口思議之一室梵宮晃耀此乃  
非殊相好圓明光同月愛恐乘田變海陵谷俄遷用紀  
微功刊茲貞石其詞曰

邈矣大聖耀質金軀三身化現四智如如不生不滅非  
實非虛有無所有無無所無<sub>其</sub>真容毫相光流月愛常

遊十方恒在三昧示入生滅無罣無礙脫屣躡塵超然

物外<sub>其</sub>粵我三尊惠力難量慈雲廣被普洽無壇應權

利物導引隨方群生舟楫苦海津梁<sub>其</sub>仙巖聖跡式建

支提斜連麓岫俯瞰幽溪天長地久日月昭迴金門動

響石室方開<sub>其</sub>

述二大德道行記

弟子蔡景口

大德檀越門徒情深道義惠燈傳照朗晤心靈示誨之  
恩碎軀難報今矚讚佛之次述二師之至誠輒申毫末

之辭式頌弥天之德庶望將來君子知三寶之住持敬  
題行記書之如左

法師義紉字靈濟東魏鄴城人也俗姓張氏年七歲依  
口馬寺口口口口息茲弟子天縱英靈聰惠明哲文  
明初歲落髮染衣住豁谷寺勤於藝業內外俱贍解行  
雙美妙善悉曇奉勅徵口口口口二京翻譯於是  
參詳聖旨口闡梵言譯金光明經薩婆多律掌环訖等  
三百餘卷並詮辭證義筆授綴文又補充口僧統司修  
宰堵波檢校尋被抽入薦福寺滿世大德百坐講說頻  
登勝席殿庭論議擢以令名法師學海宏深薛林迴茂  
闡揚口口名播二京其時僧衆咸号法師東魏大乘紉  
矣又補京慈悲寺都維那復於內道場佛光殿轉經行  
道面奉口口口口口菩提迎接經像至乾陀羅國  
迎得三藏鄔帝弟婆將眞容畫像甘鋪舍利千餘粒三  
藏梵本二部至京聞奏口聖口嚴駕口口法師馳駟王  
城方窮異域往來四載途經一萬八千供奉二朝十  
有三記前後勅賜法衣道具隨得轉施不以自資口  
口之懷無以加也覲省重奏請歸口道俗欽風屈爲  
豁谷寺主其時州將賀蘭温六條儒雅八正居懷輟口  
寺口口口補充大雲寺法師教授於是宣揚妙旨成庶

金石錄卷之十一  
品之津梁演暢微言啓含生之耳目衆又舉法師以爲  
上座綱紀寺衆□□□□□准 勅再滌釋門甄明  
戒律重補充清滌上座法師精勤攝念策勵持經維摩  
法華日誦一遍或定惠解詎測淺□□□□□式題斯  
記

法師乾壽字崇詮義紐同郡人也俗姓李氏年廿歲依  
化樂寺崇口法師爲傳法弟子學法華經唯識俱舍因  
明等論皆理極精微妙窮法相證聖之歲剃落披緇住  
谿谷寺奉別 勅補充當寺教授法師於是廣演談鑿  
深攻理趣威儀肅物雅操超群又補都維那綱紀衆事  
利益常住軌範僧仁修復伽藍咸皆壯麗故得寶坊金  
地月殿重明嚴飾凶門光揚佛日緇徒濟濟士庶鏘鏘  
三寶鬱興四衆攸仰者其惟法師住持之德也又以崎  
嶇山路剪拓修夷枯涸川原疎泉汲引哀矜物類濟乏  
調無悲敬雙修廣行口捨此者法師大悲之行也又乃  
天資妙女巧惠殊倫智用合宜動中規矩內懷至孝無  
忝所親生事愛敬死事哀感是謂孝道畢矣恭穆仁慈  
謹敬謙口是謂禮儀備矣未有已任孝別起津梁者哉  
故經云孝名爲戒亦名制止法師志崇清淨之福以報  
鞠育之恩神用研精敬口口室於是依山構宇備設堂

儀鑿石疎口宏開洞室池引八功之水爐焚六銖之香  
七物咸環衆事周瞻長時供養通俗聖凡法師四攝利  
生三悲鬻口融心二諦觀照五停積德難量解行弥廣  
略陳綱紀題斯記焉

唐開元十九年歲次辛未九月廿五日建

堅行禪師塔銘

石高八寸廣六寸七分十二行  
行十三字正書在西安府城南

大唐宣化寺故比丘尼堅行禪師塔銘

禪師諱堅行俗姓魚氏京兆府櫟陽人也惟師貞儀苦  
節精懃厥志捐別修而遵普道欽四行而造真門豈茶  
晨霜易晞夕露難久寢疾牀枕藥餌無徵嗚呼哀哉以  
開元十二年十月廿一日遷化於本院春秋七十有六  
夏卅矣臨命遺囑令門人等造空施身至開元廿一年  
親弟大雲僧志叶弟子四禪賢首法空淨意等收骨起  
塔以申仰荅岡極之志閏三月十日

代國長公主碑

碑高九尺五寸廣四尺八寸三十  
一行行六十一字正書在蒲城縣

大唐故代國長公主碑

駙馬都尉鄭萬鈞撰文

男聰書

□□□□□我□唐□ □聖□天下 □

□睿宗□□□□□ □□□□□□

我□□□□ □后□地中□ □□誕□

□□為□□為□公主諱華字花婉 世祖神堯

皇帝之元孫 睿宗大聖皇帝之第四女

今上之仲妹也 母曰 肅明皇后 聖氏肇

開湯沐冊號永昌後迺相攸降□于鄭時年□十有□

□□□□□既嫁□象歸妹□作嬪之義築以外館錫

之美邑食封一千四百戶置□官焉開元初加崇代國

長公主植性而智因心則靈道亮于懷色溫於貌美髮

可鑑素□□□惠聲□□仁澤潛暢言有餘味情無近

屬服慈友敦孝敬昔在諒闇殆將毀滅聰明銳澈韻清

慮遠耳目所經無不諷誦簡謚恬粹融融如也每樗蒲

□□□□□盡得微妙至於笙篳笛琴□琵琶七絃阮

咸箏隔簾□之隨手便合有若天與寔同生知冰碧在

躬學無不通聰捷若神聲皆絕倫騁蕙心以□□□□

□而添□內範一部尤加精練晝恒不寐畱情翰墨書

薦福寺經柱三百餘言拂石雲散垂鉤露凝兔轉仙毫

初從夜月麝霏烟墨盡落天花初 則天太后御明

堂宴 聖上年六歲為楚王舞長命□□□年十

二爲 皇孫作安公子岐王年五歲爲衛王弄蘭陵王  
兼爲行王詞曰衛王入口咒願 神聖神皇萬歲孫

子成行公主年四歲與壽昌公口對舞西涼殿上羣臣  
咸呼萬歲蒙自奉朱顏卅餘載泊乎暑月衣服如賓讌  
婉之情不以口口見棄口口口恩遇弥深男二女四  
教之以口長子左贊善大夫口聰爲吾耳次子右贊善  
大夫明明爲吾日明使海內見聰使天下聞於國忠於  
家孝合則雙美口爲口口傳云以德命爲義口聰爲駙  
馬都尉恨未親迎長女口范陽盧氏有肅邕之譽二女  
琇博陵崔氏資明艷之容三女璜范陽盧氏多慈孝之

美四女口口口口純粹之行勗之曰玉以比德四

合天則洵翳瑤彩式昭宮事懋乃衷潔作吾女儀逮乎  
晚年歸心聖域六齋蔬食一時靜念口誦金剛經兩部

口華嚴八口口寶積一百廿大般若六百法華藥師大  
集等經領晤了然色空不著撤聲樂投珠芻十有餘年  
矣又於僧義福跪受禪觀又於金剛三口受陀羅尼口  
像 是相非相以心照心逍遙眞宗寂歷虛景去年忽謂

蒙曰昨夜夢念珠口斷急手自拾一箇不得是不祥他  
日又夢入法堂見一空屋有人指之此四公主口口明  
年口口乃後數月偵其儀刑稍稍顛頓以開元廿二年



六月廿口日熱然不食安寢不起神氣晏如有同入定  
聖上愛切口口口口口口口口口口口口口口口口中人饋藥  
朝觀夕察有加無瘳蒙泣而諭之久作鬼率天業正念  
莫散勿顧男女荅蒙自解在也未去莫不口又向尼梵  
海云生則有死不口口口口口口口口口口每讀經徹卷口  
口願願口第四天口和先許奴不口罪翌日  
使來問口白附奏  
在上千口环重深憶  
在上口口時孝順口口精神錯亂言語不得合掌奉辭  
至其口口衆忽云有  
勅使口索香水頰浴於正  
寢而寐齋時炯然開目告別諸王公主及諸親等

口府口口口口口口一切摠放不情願者於諸莊安置  
先是司農小兒亦准此家生者不在此限品官給使放  
歸上臺封分一半施寺觀家餘平分與女請陪葬

橋陵不得厚葬莫著金銀銅器執蒙手口恩愛斷也  
有不是處莫恠更住辛苦屋裏人去去年少在莫更請  
出家蒙遂奉  
杯水別飲畢長逝詞口清明宛若口口  
以其月廿口日薨于河南修業里第享年卅八初公主  
禮遵善寺尼口和者因說弥勒宮事云阿婆未成更十  
年不知計至薨日今正十年嗚呼報應之兆有期口口  
之言何驗下生輪口之室還上天宮嬉遊正遍之門是

登雲口

皇帝輟朝三日使尚宮弔祭賜衣五十

副所口喪葬口供口作口口口口口永穆公主及駙

馬王絲同安王洵送往并為寫一切經以其年十二月

三日陪葬

稿陵孝也天常与善茲言妄作曷殞

濃華口口繁口口口宵傾嚴霜夏落口口紆其如慕悲

展轉其奚口嗚呼月辭

天闕方星沒

皇宮翟服褻衣不可逢花飄粉田芍菜菱沁水油軒畫

口長已矣嗟乎口口口膺口門流涕容儀既口錦茵期

口夏屋口口口儼設楚口齊引驪駒啓行丹旒施空

素衣皓野撫靈軒而增慘仰空山而泣血夫敘德必口

口親議賢口崇乎直既親且直蒙何愧諸敢述流芳悲

題翠口其詞曰

於爍有唐系乎天光承天者

帝嗣

帝稱

皇猗那

昭口作

皇之對厥生貴

主為

天之妹

天妹伊何窈窕如玉浹洽

恩被綢繆禮緝道口娥英德光宵燭其行成軌

其言可服烝烝孝敬抑抑威儀九族敦敘百禮罔虧學

非從傳書乃臨池歸真捨逸了靜絕為日仁者壽天何

不諒指座先徵遺珠見相慙勤自勉誣諉無忘口口愁

留口然遐颺

帝心悼惻傾家殞喪大匠監口口

口送葬蒙也何罪忽奪天人借如可贖願百其身穠李  
菱曉蓄華祕春金釭罷焰玉座生塵馬鬣成封龍輻卽  
路畫翬口轂丹旌指墓口薤挽於霜飈口笳簫於隴霧  
霜飈隴霧相披紛薤挽笳簫咽不聞珠襦玉匣盡元夜

軒后陵邊 皇女墳

開元廿二年十二月三日建

右唐代國長公主碑云公主睿宗第四女也新唐史  
以為第五女蓋史誤碑云公主壻鄭萬鈞撰金石錄  
右代國長公主碑碑云公主字花婉而傳作華婉又  
云肇開湯沐冊號永昌後乃相攸下歸于鄭錫之美

邑一千四百戶開元初加崇代國長公主傳不書封  
邑之數而開元初加號長公主亦略之未免失之簡  
矣考唐書十一宗諸子列傳云開元後天子敦睦兄  
弟故寧王戶至五千五百岐薛五千申王四千邠府  
千八百帝妹戶千而公主傳歸國公主開元初封邑  
至千四百戶此碑所載代國公主食邑亦千四百戶  
則公主封邑未嘗以千戶為限也潛研堂金石文跋尾

按此碑為駙馬都尉鄭萬鈞撰文男聰書蓋夫為  
妻撰文子為母書碑亦墓碑之一例也子書母碑  
猶于志寧王仁求子書父碑之例鄭萬鈞父子本

皆工書張說般若心經贊序稱萬鈞深藝之士也  
學有傳癖書成草聖揮灑手翰鐫刻心經云云可  
知聰之能書源本家學觀此碑筆法婉麗極似河  
南顧書譜但有萬鈞名而不及聰亦偶略也文內  
萬鈞自稱曰蒙與莊子同義蒙卦疏蒙微昧闇弱  
之名萬鈞自謂義殆仿此萬鈞兩唐書無傳宰相  
世系表鄭氏有北祖南祖二房及滎陽滄州兩派  
俱無萬鈞名公主傳但云下嫁鄭萬鈞不詳其事  
蹟無從考也代國長公主本睿宗第五女而碑云  
四女者蓋安興昭懷公主早薨不在數內猶鄔國  
長公主本第八女而碑亦作第七女非史誤也長  
安志載大薦福寺不詳寺中之制据此碑云公主  
畱情翰墨書薦福寺經柱三百餘言則寺中有柱  
皆書經者矣長安志駙馬都尉鄭萬鈞宅在左親  
仁坊北門之東杜工部有鄭駙馬宅詩卽碑云築  
以外館錫之美邑者是也碑云則天太后御明堂  
宴聖上年六歲爲楚王口口年十二爲皇孫岐王  
年五歲公主年四歲與壽昌公主對舞西涼殿上  
云云聖上者元宗也元宗以寶應元年四月崩年  
七十八推其生在嗣聖二年年六歲爲天后載初

二年是年九月改天授元年舊唐書禮儀志天后  
自永昌元年正月元日始親享明堂大赦改元其  
月四日御明堂布政頒九條以訓于百官翌日又  
御明堂饗羣臣其年冬正月日南至復親饗明堂  
大赦改元載初用周正翌日布政于羣后其年二  
月又御明堂大開三教天授二年正月日南至親  
享明堂是天后之享明堂非一次据碑則御明堂  
與諸皇孫孫女宴在元宗六歲之時爲載初二年  
或行於改元天授之時亦在九月而史志於是年  
不載宴明堂之事元宗之封楚王在垂拱三年其  
時年十二爲皇孫者乃讓皇帝憲初以睿宗爲皇  
帝憲立爲皇太子睿宗降爲皇嗣更冊爲皇孫岐  
王年五歲者乃惠文太子範初王鄭改封衛俄降  
封巴陵進王岐壽昌公主乃睿宗長女下嫁崔眞  
者也公主二男長聰爲駙馬都尉恨未親迎唐書  
元宗諸女未見有下嫁鄭聰者据杜工部集有鄭  
駙馬宴洞中詩宋鶴齡註引唐史臨晉公主皇甫  
淑妃所生下嫁鄭潛曜又引杜工部所撰皇甫淑  
妃碑云鄭潛曜尚臨晉公主乃代國長公主之子  
官曰光祿卿爵曰駙馬都尉甫忝鄭莊之賓客遊

竇主之山林据此則鄭潛曜卽鄭聰當是幼名聰

後改潛曜當代國薨時聰年尚幼故碑云恨未親

迎也汲古閣本唐書公主傳誤作郭潛曜文前敘公主樛蒲絃管實

同生知後敘公主蔬食誦經了然領悟舉止前後

如出兩人雖文飾太過然其大致似非虛語卽如

其言則其嗜好之進于清淨可知矣後云敕使來

問口自附奏在上深憶在上云云在上猶言皇上

也當時之稱謂如此又有云不情願者諸莊安置

司農小兒亦在此家生者不在此限此似處分府

中奴僕男女之語也家生二字始見于此又云永

穆公主及駙馬王繇同安王洵送往永穆公主乃

元宗長女下嫁王繇是公主之姪也同安王洵宜

為元宗諸子唐書載元宗三十子初名从水開元

二十三年悉改从玉傳載光王琚本名泥與儀王

濉穎王澧永王澤壽王清延王洄盛王沐濟王溢

信王沔義王灌陳王泚豐王滄恒王漙涼王縱汴

王滔同改而不見有名洵者卽宗室世系表亦無

考豈表傳有漏略歟凡書碑之例皆云某年月日

葬于某原禮也此碑則云以其年十二月三日陪

葬橋陵孝也與諸碑例別

裴耀卿書奏

裴本高廣行字皆不計正書

唐侍中裴耀卿書

奚契丹兩蕃

右奚及契丹尤近邊鄙侵軼是慮式遏成勞臣庶常情  
唯欲防禦所謂長策無出此者陛下獨斷

宸襟高

奪羣議以為頓兵塞下轉粟邊軍曠日持久役無寧歲  
若不因利乘便一舉遂平使遷善者自新為惡者就戮  
事若不尔無息我人且令大兵臨之凶徒必潰不出此  
歲當並成擒臣等初奉聖謀高深未測及聞凱捷尋候  
不差而兩蕃遺噍莫不稽顙緣邊戍卒咸已返耕卧鼓  
滅烽誠自此始斯皆

陛下睿謀先定

神武非

常觀變早於未萌必取預於無象臣伏以成功不宰君  
人所以為量有美不宜臣子所以成罪臣雖蒙瞽安敢  
無言既預聞

始謀又幸見成事豈可使

天功

虛往而日用不知竹帛相傳復紀何事請具狀宣付史  
館垂示將來仍許將吏等刊石勒頌以紀功德臣耀卿  
等不勝區區抃躍之至謹奉狀以聞謹奏

開元廿三年二月十二日禮部尚書同中書門下三  
品上柱國臣李林甫奏

中書令集賢院學士修國史上柱國曲江縣開國男  
臣張九齡

侍中驪文館學士上護軍臣裴耀卿

元宗批荅裴耀卿等奏

裴本高廣行字  
皆不計行書

事有難易因圖可否小蕃背誕惡貫已盈人神奔之指  
期可滅今之剌定偶會夙心記以史官銘之樂石頗矜  
功伐不願爲之伯獻前請朕已不納卿等苦論載用多  
愧使桓山之頌復在茲乎

按石刻二種一爲契丹傳首李林甫等奏請勒碑

紀功而裴耀卿書之石刻在陳息園秀麗軒帖中

一爲元宗批荅手敕刻入淳熙續秘閣帖中手敕

字徑七寸許筆勢雄偉豈當時手敕之制如是耶

然他敕又不皆如是者何也裴書奏語祇得其後

半前半不具非全本蓋法帖大率闕略之病爲多

也奏後列銜李林甫張九齡裴耀卿三人据韋述

集賢注開元二十三年十月制加皇子榮王已下

官爵令宰相及朝臣工書者就集賢院寫告身以

進於是宰相已下十三人各寫一通裝縹進內上

大悅十三人中首列者卽此三人皆在工書之列



此奏主名又爲林甫不知何以耀卿獨書之且所書又非用以入奏者所未詳也奏爲開元廿三年二月十二日上三人結銜皆以二十二年五月戊子所加石刻與史合舊唐書傳九齡以二十三年加金紫光祿大夫累封始興縣伯此碑稱曲江縣開國男者尙是二月以前之爵也舊書契丹傳契丹居黃水之南黃龍之北鮮卑之故地在京城東北五千三百里東與高麗鄰西與奚國接武德六年始入貢貞觀中太宗伐高麗至營州會其君長賜物有差二十二年窟哥等部內屬置松漠都督府賜姓李氏其曾孫祐莫離則天時封歸順郡王又契丹有別部酋帥孫敖曹武德四年內附至曾孫萬榮垂拱初封永樂縣公萬歲通天中萬榮與松漠都督李盡忠舉兵殺營州都督趙翽作亂則天下詔改萬泰名爲萬軒盡忠爲盡滅詔令張元遇等率兵討之俄而李盡忠死萬軒爲其奴斬之傳首東都開元三年其首領李失活內附封爲松漠郡王失活死從父弟娑固代統其衆其大臣可突于反娑固奔營州都督許欽澹徵奚王李大輔者及娑固合衆以討可突于皆被殺可突于立娑

固從父弟鬱于為主遣使請罪十年封鬱于為松  
 漠郡王明年鬱于病死弟吐于代統其眾與可突  
 于復相猜阻十三年吐于來奔可突于立李盡忠  
 弟邵固為主其冬車駕東巡邵固詣行在所改封  
 廣化郡王邵固還蕃又遣可突于入朝中書侍郎  
 李元紘不禮焉可突于怏怏而去十八年可突于  
 殺邵固率部落并齊奚眾降于突厥於是詔中書  
 舍人裴寬等討之師竟不行二十年詔信安王禕  
 為行軍副大總管出塞擊破之可突于遠遁奚眾  
 盡降禕乃班師明年可突于又來抄掠幽州長史

薛楚玉等追擊之官軍大敗詔以張守珪為幽州

長史以經略之時契丹衙官李迥折與可突于不

叶夜勒兵斬之二十三年正月傳首東都封迥折

為北平郡王此中國與奚契丹用兵征討之本末

也新書與此大同傳首在正月林甫等請刻碑在二月而

元宗荅敕有伯獻前請朕已不納卿等苦論載用

多愧之語伯獻者程伯獻也新書載裴寬等進討

之時有帥程伯獻張文儼宋之悌李東蒙趙萬功

郭英傑等為八總管兵以擊契丹既又以信安王

禕出塞捕虜以二蕃來俘告廟伯獻當即於此時

請立碑紀功而元宗不納故批荅內及之又考舊唐書張守珪傳契丹別將李過折率衆以降守珪因出師次于紫蒙川大閱軍實讌賞將士二十三年春守珪詣東都獻捷上賦詩以褒美之仍詔於幽州立碑以紀功賞是此後仍從耀卿之奏也

### 景賢大師身塔記

碑高三尺橫廣四尺五分三十行  
行二十一字行書在嵩山會善寺

唐嵩山會善寺故景賢大師身塔石記

### 左拾遺口山羊偷簪

沙門温古書

大師諱景賢菩提大通法驪也本姓薛氏汾陰人世爲著族容貌秀偉見者肅然幼而神明周覽傳記弱冠投心大覺宿好都遣問道於口口智寶禪師師言法王大寶世傳其人今運鍾江陵玉泉次一佛出世亦難遭矣則星馳駿邁而得大通發言求哀揮汗成血大通照彼精懇喻以方便一見悟入囙然照洗屬世議追隘遠迹幽絕客居巴峽三坑山中山尋覓必口口口虎搏噬毒癘蒸鬱而我歲時宴居初無惱害豈口爲之守而神靈保綏良可知也久之廣大圓極悉心以獻大通怡然克荷相許付寶藏傳明燈爲不讓矣時神龍口口口

中宗聞風

詔請內度法衆仰德口畱都下大師  
 雅尚山林迫以祈懇或出或處存乎利濟化自南國被  
 乎東京向風靡然一變於代蓋三世諸佛口口口印妙  
 極之用言外之功不可得而聞也觀乎口口蠢々於黑  
 闇千界熙熙於熱毒如來有以登大明灑甘露口相示  
 寂滅而業遵龍象則我先佛法身湛然常口者矣始先  
 祖師達磨西來歷五葉而授大通赫赫大通濟濟口口  
 寂成福藏爛口口口同波派流分景並照亦東口之盛  
 也嘻世相不實口盡誰口菩薩知時口口於物開元十  
 一年龍集癸亥歲八月在嵩山會善道場現有微疾沐  
 浴宴坐神情儼然翌日而謝春秋六十有四雲山慘毒  
 庭樹凋摧矧夫情靈痛可言也門人比丘法宣比丘慧  
 巖比丘敬言比丘慧林等不勝感戀奉爲建塔迢亭袍  
 赫出於嵩半

主上追懷震悼賜書塔額署曰口

恩存沒榮幸山川光燭廿年又起身塔於北巖下永奉  
 安焉若其積微成著之勤乘定發慧之用堅剛勇猛之  
 操大悲廣衍之口率皆碑版所詳不復多載也

開元廿五年歲次乙亥八月十二日建

羊愉撰沙門温古行書開元二十五年八月葉封曰

按王維有畱別温古上人兄詩云宗兄此削髮蓋其

族人亦必可稱者也

金石文字記

右景賢法師碑塔高三丈圍二丈五尺在登封縣西

北十里許會善寺後山坡間北向

金石圖

記載景賢沒于開元十一年八月春秋六十有四唐

文集如柳子厚誌僧年皆作僧臘蓋彼教法謂出世

卽不復以俗年計筭而此獨書春秋與隆闡法師碑

同豈亦不襲浮屠氏語耶書逸峭未以其僧徒易之

也

授堂金石跋

按此碑題開元廿五年歲次乙亥八月十二日建

開元廿五年是丁丑歲非乙亥碑蓋誤書廿三爲

廿五也自金石文字記以來諸家皆未加留意竝

承其譌作廿五年今正之

唐三十九

鄭虔華嶽題

碑已殘缺僅存縱橫凡許六可首行一字次行兩字三行六字四行五字五行七字六行四字隸書

懸昭應方遠製宗臣之在承事明神主

字真叙元馮史子華刻

開元二十三年四月二十三日榮遷

乙智覺同登華山

右學賢去... 卷高... 三寸五分

寺後山... 金石

景賢没于開元十一年八月春秋六十有四唐

文集如柳子厚志僧年皆作僧臘蓋彼教法謂出世

即不復以俗年計算而此獨言春秋與隆闢法師碑

同豈亦不襲浮屠比語耶書逸蹟未以其僧徒易之

也 授堂金  
石成

承其... 廿正出自金百文宰... 乙亥八月十二日建

廿正出自金百文宰... 乙亥八月十二日建

金石萃編卷七十九

賜進士出身 誥授光祿大夫刑部右侍郎加七級王昶撰

唐 三十九

鄭虔華嶽題名

碑已殘缺僅存縱橫尺許大行首行一字次行兩  
字三行六字四行五字五行七字六行四字隸書

懸 昭應 方達 婁宗臣之 在求事 明神 主

薄常冀叔元搗 史子華刻

唐鄭虔題名云開元二十三年四月二十三日滎澤

鄭虔彪鄉道之智覺同登華山回步而謝于神云云

其詞四六排偶共百五十餘字史子華刻分書仿史

惟則骨氣卑下非唐隸之佳者金石錄補

碑只存六行共三十四字不可句讀惟簿尉二名可

識又有史子華刻字字樣史子華者卽刻大智禪師

之碑者也關中金石記

### 李愬華嶽題名

在華嶽頌碑左側李仲昌題名下其四行行十四字正書

鄭縣尉李愬以開廿四六月六日充勅簡募飛騎使判

官向陝虢州點覆其月十四日事了迴便充京畿採訪

使句覆判官此過赴京

右李愬華嶽題名其文刻於華嶽頌之左側開下脫

元字予嘗論明皇仿周官修六典省臺寺監官各有

司欲去冗濫之弊而因事置使名目猥多楊國忠以

度支郎中兼領十五餘使及至宰相領四十餘使使

名之濫如此古人謂省官不如省事良有以也國忠

所領有名募劍南健兒使此簡募飛騎亦其類蓋自

府兵壞而召募之使四出然健兒身手終不能當漁

陽之鼙鼓者文具而實不至爾採訪使之下有句覆

判官唐書百官志亦未載潛研堂金石文跋尾

### 蘇頲題名

在華嶽頌碑左側孫廣題名下三行行十四字左行正書

開元廿六年八月廿七日朝請大夫守別駕臨潼縣開  
國易蘇頲從 內使奉 勅祭

又 正書在蘇頲  
下二行六字

郊社丞蘇炎記

謁金天王祠題記

在華嶽頌碑右側第五琦題  
名下四行行二十二字正書

顏真卿書

皇唐乾元元年歲次戊戌冬十月戊申真卿自蒲州刺  
史蒙 恩除饒州刺史十有二日辛亥次于華陰與監  
祭御史王延昌大理評事攝監察御史穆寧評事張澹

華陰令劉嵩主簿鄭鎮同謁 金天王之神祠顏真卿

題記

今在華嶽碑之右旁王伯厚言華嶽題名五百十一

人再題三十一人自開元訖清泰今存者惟此與述

聖頌二碑不過二十餘人而已又因地震之後以碎

石裝砌嶽廟大門牆上亦有唐人題名今王無異所

搨得者通共九十二人有裴士淹李德裕李商隱名

魯公每遊名山必刻己姓名一置高山之顛一投

深谷之內曰焉知後世不有陵谷之變耶古人重名

所以重其身今人不重其身只因不重名耳

金石文  
字記



公以乾元元年三月自馮翊太守改刺蒲州尋為御史唐旻誣構即於是年十月改刺饒州道經華陰乃與監察御史王延昌等同遊華岳題名金天王祠當是時公內忌於宦官外誣於酷吏連遭貶斥罷於奔命殆無虛日而從容暇豫題名華岳如無所事者然蓋公之義命自安不為威武所屈貧賤所移此可見

矣 金天王華岳神也舊史元宗紀開元元年九月

封華岳神為金天王 虛舟題跋

顏真卿題記以唐書本傳及留元剛年譜攷之公以肅宗二年十一月出為馮翊太守三年三月改蒲州

刺史十月又改饒州刺史也其貶饒州為唐旻所誣因亮行狀曰天寶十五載元宗以公為戶部侍郎依前平原太守充本郡防禦使公以景城長史李暉為副前侍御史沈震為判官又詔公為河北採訪處置使公又以前成陽尉王延昌為判官張澹為友是年秋祿山遣將史思明尹子奇等併力攻河北諸郡前後百餘日饒陽河間景城樂安相次而陷所存者平原博平清河三郡而已人心潰亂不可復制公乃將麾下騎數百棄平原渡河取路朝肅宗于鳳翔初公之未渡河也謂判官穆寧張澹曰賊勢既爾若委命

待擒必為所快、心今計徑赴行在公以為何如寧澹  
 與諸將然之遂行朝廷除公憲部尚書令狐峘神  
 道碑曰時前殿中侍御史沈震鹽山尉穆寧武邑丞  
 李銑清河主簿張澹各抒器能參贊成務此王延昌  
 穆寧張澹等與偕之所自來然攷穆寧傳寧以明經  
 調鹽山尉祿山反寧募兵斬偽景城守劉道元聞真  
 卿拒祿山即馳謁謂曰我可從公死既而賊攻平原  
 寧勸固守真卿不從夜亡過河見肅宗行在帝問狀  
 真卿對不用寧言以至此帝異之召寧將以諫議大  
 夫任之會真卿以直忤旨寧亦罷上元初擢殿中侍

御史與行狀寧澹與諸將然之之說有不合則當以  
 史為正者矣年譜曰是年九月有祭姪季明文十月  
 有華嶽廟題名至東京拜掃有祭伯父豪州刺史文

關中金  
石記

張惟一等祈雨記

在述聖頌碑左側四  
行行三十七字隸書

大唐中興剋復兩京後乾元元年自十月不雨至于明  
 年春朝散大夫使持節華州諸軍事檢校華州刺史平  
 原郡開國公賜紫金魚袋張惟一與華陰縣令劉暘丞  
 口响丞員外置同正員李緩主簿鄭鎮尉王禁尉高佩

尉崔季陽於西嶽金天王廟祈請初發言雲興倏登車兩降益精意所感致明神應期庶似潁川之能不慙方伯之事時二月十日題紀前金州刺史李權書

右碑隸書前金州刺史李權書也按華陰一縣子令之外設二丞一簿三尉有唐官制之濫史所備載語

云一羊九牧民生日蹙天寶之亂所由來也金石錄補

書史會要李權唐宗室李平均叔也工八分官金州

刺史惟一名見宰相世系表關中金石記

右張惟一祈雨記刻於述聖頌之左側据宰相世系表惟一望出清河東武城宰相錫之孫官至華州刺

史此記正在刺華時與唐表合新舊史皆不為惟一

立傳王定保撫言載蕭茂挺父為莒丞得罪清河張

惟一時佐廉使按成之茂挺初登科自洛還莒道邀

車發辭哀乞惟一涕下即日舍之且曰蕭贊府生一

賢方資天下風教吾由是得罪無憾也宋子京嘗采

其事入穎士傳蓋其好賢之誠有足多者又嘗為荆

州長史見呂誼傳潛研堂金石文跋尾

王宥等謁嶽祠題記

題名刻述聖頌碑右側作兩截書上年月四行行五字篆書下人名四行行十六字隸書

夙香上 丙午 丙午 丙午 十 月 式

今十畫日同韻山巒祠書記

右在上截

華陰縣令王宥 前令王紆 丞王沐

尉李齊佺尉口頌 艷縣主簿張彬尉竇彥

下起縣丞李演尉邢涉 處士王季友張彰

著作郎孟昌原京兆府鑾轡參軍李樞書

篆并

右在下截

釋文

大唐上元元年冬十有式月十壹日同詣嶽祠書記

華陰縣令王宥 前令王紆 丞王沐 尉李齊佺尉

口頌艷縣主簿張彬尉竇彥下起縣丞李演尉邢涉處

士王季友張彪著作郎孟昌原京兆府鑾轡參軍李樞

書并篆

唐有兩上元年號此則肅宗時也 金石文字記

樞李權弟述書賦注云李權淮安王神通曾孫工八

分弟樞工小篆內有處士王季友即杜甫所稱鄴城

客子是也豫章圖經云季友鄴城人家貧賣履博極

羣書李勉引為賓客甚敬之 關中金石記

太州別駕殘題名

在告華岳文之後  
一行十三字正書

正議大夫太僕少卿兼太州別駕

案文只存十三字云正議大夫太僕少卿兼太州別  
駕攷華州以上元二年改名太州則此為肅宗時人

所題矣

關中金  
石記

邱據題名

石橫廣一尺二寸高一尺  
一寸六行行八字正書

陳鄭澤潞等州節度行軍司馬殿中侍御史丘據再隨  
使主赴上都 朝謁往來皆虔拜 神祠時寶應二

年六月八日記

右邱據題名完好無缺案寶應肅宗改號是年帝崩  
代宗以四月即位明年七月改元廣德故于六月猶  
稱寶應二年也方鎮表寶應元年澤潞節度增領鄭  
州又增領陳邢洺趙四州是年以趙州隸成德軍此  
題載陳鄭据增領者言之與表相符據見唐書甄文  
志有邱據相國涼公錄一卷李抱玉事據諫議大夫  
蓋以其所終之官書之 授堂金  
石跋

右邱據題名其云使主者節度使李抱玉也抱玉本  
陳鄭穎亳節度使代宗即位兼澤潞節度使方鎮表  
寶應元年澤潞節度增領鄭州又增領陳邢洺趙四

州正抱玉為帥之日德宗以後陳鄭與澤潞各自為  
鎮不復相統攝

潛研堂金石文跋尾

李懷讓題名殘字

三行上下缺  
左行正書

軍兼同華兩州節

卿使持節華州諸

丞上柱國汧國公

右只存三行每行七字共二十一字攷唐常衮華州

刺史李公墓誌云公諱懷讓以佐命功特授鎮國大

將軍加特進兼鴻臚卿封汧國公充潼關鎮國軍使

同華等州節度使華州刺史以廣德元年九月薨于

華州軍府詔陪葬建陵則此乃懷讓題名也再攷唐

會要叙陪陵名位建陵只及汾陽王郭子儀一人而

無懷讓應為缺略懷讓薨于廣德改元故附置于此

關中金  
石記

劉士深等題名

石高一尺廣六寸七  
行字數不等正書

前藍田縣尉劉士深

前奉天縣尉劉士清

京兆府倉曹參軍李迪

前告成縣丞李逖

商州豐陽縣令李逖

下邳縣尉李遠

時廣德元年三月紀

內李逖李迪李遙李遠四人名宰相世系表俱有在

東祖李氏下

關中金石記

右題名正書按此題列名皆以地望為先後藍田奉

天兩縣尉居首東京邑也告成縣丞書在豐陽令上

者告成屬河南府亦為東都故耳北嶽神廟碑有安

喜縣尉李逖與此稱告成縣丞者或即其人未可知

也新唐書藝文志李遠詩集一卷字求古大中建州

刺史若以廣德紀元方為尉則至大中時八十餘年

矣疑別為一人

授堂金石跋

韋口題名

石高一尺廣七寸七行行十字正書

銀青光祿大夫守太常卿使持節延州都督侍御史上

柱國岐陽縣開國男韋口以廣德二年二口口七日越

自師旅將詣

朝廷口口口神式祈景福時與口口口

口口秀之同謁

題云以廣德二年二口口七日越自師旅將詣朝廷

云云者以是時僕固懷恩叛也韋君不詳其名關中金石

李仲昌等題名

在華嶽頌碑左側賈竦詩下六行字數不等正書

朝議郎行太子司議郎兼華陰縣令李仲昌

行丞田遊業

行丞同正韋澣

行主簿韋浣

行尉崔頌

行尉王卓

行尉蘇淮陽

廣德口年三月韋澣書記

宰相世系表云澣官昭應令案此云行華陰縣丞同

正當在未為昭應令之先又有云行尉崔頌表以為

頌終同州刺史

關中金石記

韋公右等題名

石殘缺現存橫廣一尺五寸高八寸八行行五字六字不等正書

缺

郎行華陰縣

缺

寮吏以時麥

缺

明神咸列名

缺

行令韋公右

行丞同正韋澣

行尉李貺

行尉劉

口舊

按書郎盧舒口

又在韋澣左右空處二行行七字左行行書

大梁趙令衿恭謁

聖帝祠下

壬辰四月六日

孫廣等題名



在華嶽頌碑左側賈竦詩下  
三行行七字十字不等正書

朝散郎行下邳縣丞孫廣

試衛尉少卿田遇

廣德二年六月十三日記

焦緩題名

石橫廣一尺二寸高一尺三  
行行十字十字不等正書

前大理司直焦緩與緱氏縣焦琳華州司倉叅軍焦賁

永泰元口春同遊此廟

又在焦緩之左二行行  
九字十字不等正書

內供奉開國公上柱國賜紫金魚袋蔣羅漢

又在焦緩之右三行  
字數不等正書

內侍省掖庭局口王嘉欽弟景暉

押衙左金吾大將軍賜紫金魚袋高

許州許昌縣丞于賁

第五公等題名

在華嶽頌碑右側顏魯公題名上  
十一行行九字十字不等正書

前相國京兆第五公自戶部侍郎出牧栝州子聿關內

河東副元帥判官禮部郎中兼侍御史虞當自中都濟

河於華陰拜見從謁 靈祠因紀貞石時 大唐

大鹽五年六月四日

司勳郎中兼侍御史李國清

倉部員外兼侍御史張曇

大理正兼監察御史王翺 右衛錄事參軍第五準

文云前相國第五公自戶部侍郎出牧梧州蓋坐與

魚朝恩善貶也又云子堦虞當子堦之稱自此始堦

作聿者于祿字書云聿聿堦土俗中通下正堦一變

為堦再變為埧三變為聿四變為聿皆由胥變為胥

致誤又聿或亦寫作聿故月耳相溷 關中金石記

蘇敦等題名

在昭應碑下截作兩段書前一段入行後一段九行每行六字七字八字不等正書

沃州司馬蘇敦

弟華陰縣令發

弟咸陽縣主簿敘


弟前華原縣丞徹

弟太常寺主簿敞

弟吏部常選暉

弟少府監主簿教

弟澂 時年十一



大驛中發任華陰縣令時禮部尚書河東裴公出牧鄴

陽敦與發徹同送至此拜謁 金天便過東驛不避炎

暑亭午而迴故列名於前刻石題記

五年夏六月六日

宰相世系表蘇氏河南尹震有七子敦發教徹墩政儼此云汝州司馬敦弟華陰縣令發弟咸陽縣主簿教弟前華原縣丞徹弟太常寺主簿敞弟吏部常選墩弟少府監佐簿敦弟儼不同者墩疑即是墩有敦不應後有墩也政疑即是敞字形相近此等要當以

碑為正關中金石記

按教字廣韻玉篇諸書俱不收惟梅氏字彙云所斬切窄也恐未必取此為名世系表作教似可從

疑碑有泐訛又字書無墩字自當從碑作墩

裴士淹題名

在華嶽頌碑左側上截七行行四字左行正書

禮部尚書裴士淹出為饒州刺史大曆五年六月六日於此禮謁

盧綸等題名

石橫廣二尺一寸高八寸六行行七字十字不等左行正書

大曆六年二月二日綸赴

前華州叅軍口漸

前王屋縣令陸永

前同官主簿陸洎

將仕郎守閔鄉縣尉盧綸

前國子進士趙鄴

歷覽前賢題名庚子

右題名殘斷不相屬舊唐書盧簡辭傳云父綸大歷

初宰相王縉奏為集賢學士秘書省校書郎會縉得

罪坐累久之乃調陝府戶曹河南密縣令不見作尉

閔鄉事惟新唐書有之云大歷初數舉進士不第元

載取綸文以進補閔鄉尉與此合授堂金石跋

庚口等題名

石殘缺現存橫廣一尺六寸五分高八寸十二行行五字六字七字不等左行正書

缺 華州刺史兼御缺 殿中侍御史庾缺 監察御史李巨

缺 太常博士口缺 太華三峯野客缺 新安縣尉盧缺 監

採藥使翰林缺 監軍判官尹懷缺 監軍判官劉口缺 太

華山人段藩口缺 押衙左金吾衛大缺

大曆六年乙亥缺

按大曆六年歲次辛亥非乙亥

崔微等題名

石高一尺廣四寸四行行十字左行正書

前開州刺史崔微 男蔭

前緱氏縣令康洽

前鄉貢進士侯季文

大龔七年三月廿日西上

右題名正書自左起宰相世系表清河大房有微河

南少尹子漑太常少卿此題漑從廿不從水又元和

十年題名華陰縣令崔蔭亦即其人皆與表異文苑

英華穆員陸渾尉崔泳墓誌云河南少尹微之子又

云君長兄河南府尹司錄叅君案君當作軍漑不勝其哀

崔少尹盧氏墓誌云唐河南少尹清河崔徵則微字

傳誤也漑亦從水並誤授堂金石跋

韋滌題名

石高廣俱九寸三行行六字正書

醴泉縣令韋滌

大龔七年十月廿八日題記

元澄等題名

石高九寸橫廣一尺六寸共八行行五字六字不等左行待書

尚書虞部員外郎兼殿中侍御史元澄與大理評事盧

恒華陰縣丞裴言則以唐大龔八年十二月三日題紀

題內有大理評事盧恒宰相世系表恒殿中侍御史

關中金石記

韋浚杜錫題名

石橫廣一尺六寸高九寸  
共九行行六字左行正書

朝散大夫前鄭州陽武縣令韋浚

大曆九年四月廿二日謁祠題記

平陸主簿杜錫

芮城主簿杜梅

建口三月廿三日

李謀等題名

在韋馮題名之右三行  
行八字十字不等正書

前鳳翔府司錄叅軍李謀

前長安縣主簿李融

大曆九年十月十三日題

右題名正書舊唐書德宗紀貞元九年五月甲辰以

鄭州刺史李融為滑州刺史義成軍節度使蓋卽此

題稱前長安縣主簿者也攷紀文前書五月庚申則

甲辰當為六月紀於此脫文矣融又見李適之傳子

季卿孫融立性嚴整善吏事貞元十年歷官至渭州

節度使卒渭當作滑傳刻誤也宗室世系表列適之

相元宗下惟書雪而季卿及融俱失載融又見裴光

庭傳加宏文館大學士引壽安丞李融合直宏文館

是融初從仕亦以文學見引非獨善吏事矣予故綜其前後論之以見名不虛附也

授堂金石跋

### 上官沼題名

在昭應碑下截蘇敦之左三行字數不等行書

侍御史上官沼大曆十三年七月廿九日赴東臺謁嶽過

宰相世系有上官詔當卽其人表宜從碑作沼爲是

關中金石記

右題名正書案東臺之名因話錄云武后朝御史臺有左右肅政之號當時謂之左臺右臺則憲府未嘗

有東西臺之稱惟俗間呼在京爲西臺東都爲東臺攷舊唐書獨孤郁傳憲府故事三院御史由大夫中丞自辟請命于朝時崔晃鄭居中不由憲長而除勅

命雖行朗拒而不納晃竟改太常博士居中分司東臺盧杞傳父奕天寶末爲東臺御史中丞昌黎集故

虞部張君墓誌銘拜監察御史經二年拜真御史明年分司東臺轉殿中呂和叔集故太子少保贈尙書

左僕射韋府君神道碑銘遷監察御史內供奉東都畱守卽拜東臺侍御史司空表聖集盧知猷神道碑

遷侍御史專領東臺之務以此題名証之則當時見

于史傳文集皆稱東臺決非從俗為之因話錄檢審  
不精妄為此議也授堂金石跋

東臺碑題中呂咏外秉封太子少尉餽尚書  
侍真結表昏墓志銘葬監察御史孫二牟其真喻史即  
過臺蓋外書父奕天寶末為東臺御史中丞昌黎集封  
命難谷既研正不離其境如太常博士中丞后東  
丞自報請命于陳叔蚩吳潤中不由憲灵而制煉  
效書遺書繼應准專憲有封事三刻喻史由天共中  
首東西臺之蘇封谷問中谷京為西臺東臺

金石萃編卷八十

賜進士出身 詔授光祿大夫刑部右侍郎加七級王昶撰

唐 四十

崔漢衡題名

在昭應碑後李休光題額  
字下三行字數不等隸書

蓮華魏鬼竹箭喧赧浩、今古撞、往來

銀青光祿大夫守兵部尚書博陵郡開國公崔漢衡

興元元年十二月廿三日舉陰縣令盧傲書

題云守兵部尚書博陵郡開國公唐書載漢衡官爵  
甚詳不言封博陵郡公亦是缺略婁機漢隸字源云



漢樊毅復華下民租碑唐興元中華陰縣令盧傲求  
得而為之記八分書于碑末即此人

關中金  
石記

崔頰等題名

在昭應碑前威應字下三行  
行六字九字不等左行行書

檢校水部員外郎崔頰

華陰縣令韋綬

貞元元年二月六日記

又一行在崔頰  
之下行書

華州司功叅軍鄭齊躬

唐書韋綬傳綬字子章京兆萬年人建中中為長安

尉朱泚亂羸服走奉天拜華陰令案唐有兩韋綬一

為韋貫之兄非此人

關中金  
石記

裴潏等題名

在告華岳文碑正中七  
行字數不等左行正書

前萬年縣尉裴堪

前華陰縣丞盧佩

懷州河內縣丞盧楷

鄭驕

進士裴諫 裴誼

貞元九年七月廿五日叅軍事裴潏題

請雨文

潁河東聞喜人善隸書唐書有傳宣和書譜云潁隸書為時推重晚歲行草尤勝攷潁以蔭起家此稱參軍事而不著地當即是華州諸參但未辯何司耳題內又有盧渚盧佩渚名見宰相世系表佩名見河東記

關中金石記

右題名正書在盧朝徹謁獄文之後舊唐書列傳裴

潁河東人少篤學善隸書以門蔭入仕元和初累遷

右拾遺轉左補闕

新唐書同

摺題名貞元九年方為參軍

事此即以門蔭入仕時也沈亞之河中府參軍廳記

國朝設官無高卑皆以職授任不職而居任者獨參

軍焉觀其意蓋欲以清人賢胄之子弟將命試任使

以雅地任之耳

文苑英華

關中金石記攷潁以蔭起家此

稱參軍事而不著地當即是華州諸司但未辨何司

予攷職官志上州司功司倉司戶司兵司法司土六

曹參軍事各一人外又有參軍事四人華州為上輔

於設官當四人然則潁稱參軍事即四人中之一非

六曹諸司也題名字體端勁必潁之自書得此益見

善隸書非虛美矣

授堂金石跋

鄭全濟等題名

在告華岳文碑裴潏之下  
五行字數不等左行正書

將口口守尉鄭全濟字巨舟

口口縣尉李端士

口口縣尉鄭暉

貞元十三年三月廿四日題記

內有華陰縣尉鄭暉世系表有之

關中金石記

尉旻題名

石高一尺二寸廣五寸  
三行字數不等正書

寧遠將軍守左金吾衛口口軍試太常卿尉旻

元和元年正月廿日題

郭豐等題名

在華岳頌碑左側裴士淹下十行  
行六字七字八字不等左行正書

華州司士參軍郭豐

華陰縣丞李泚

華陰縣主簿姚鵬舉

華陰縣尉韓晤

華陰縣尉苗華

華陰縣尉崔代

門下典儀李誠明

元和元年七月十日同會於此 杙題

題內有門下典儀李誠明門下典儀者門下省屬官

也關中金石記

薛存等題名

石橫廣一尺九寸高八寸八行字數本等在行正書

司勳員外郎薛存

華陰縣令柳澗

華陰縣主簿裴秩

華陰縣尉杜文舉

前鄭縣丞韋殷

前華陰縣尉王沂

野客李口

元和四年九月十九日

右題名正書自左起按薛存下缺字當作誠舊唐書

薛存誠傳裴均作相用為起居郎轉司勳員外與題

名合柳澗附見韓愈傳華州刺史閻濟美以公事

停華陰令柳澗縣務俾攝掾曹居數月濟美罷郡出

居公館澗遂諷百姓遮道索前年軍頓役直後刺史

趙昌按得澗罪以聞貶房州司馬愈因使過華知其

事以為刺史相黨上疏理澗留中不下詔監察御史

按驗得澗贓狀再貶澗封溪尉又皇甫湜韓文公神

道碑云華州刺史奏華陰令柳澗賊詔貶澗官澗任  
華陰坐貶始末如是然則澗之挾怨煽衆固黠吏所  
爲而刺史相黨必致之罪亦苛情哉

授堂金石跋

協律郎李□等題名

石橫廣一尺一寸高七寸  
八行行八字左行正書

太常寺協律郎李□

華陰縣令崔蕤

華陰縣尉鄭公幹

華陰縣尉裴混

華陰縣尉陶洪

進士蘇莊

元和十年五月十二日 謁嶽

謁嶽廟題名殘石

石橫廣一尺一寸高五寸後有木十朝  
式題名十一行行六字左行正書

前容府□□ 官試右衛□曹 承軍□□□ 鄉貢

進士□□ 慶□□華州 觀省弟谷 京

元和十四年正月一日題

李朝式元和十四年正月十一日題

宗室世系表有容府經略推官李慶之容府經略使  
左庶子李景仁容府者即容州都督府也屬嶺南道

關中金  
石記

張常慶題名

在盧綸題名石之右二行  
行五字九字不等正書

判官張常慶

元和十五年七月七日

王璠題名

在盧綸題名石之右四行  
行七字八字不等左行正書

起居舍人賜緋奠袋王璠元和拾伍年口壹月貳拾陸

日口

使鎮州 宣慰口

右題名正書自左起文云起居舍人賜緋魚袋王璠

舊唐書璠本傳元和中入朝為監察御史再遷起居

舍人副鄭覃宣慰于鎮州

新唐書璠以起居舍人副鄭覃宣慰鎮州此題

稱元和十五年與傳合而璠出使重鎮宜賜章服以

寵其行傳失紀此事蓋從略也

授堂金石跋

裴穎題名

石橫廣一尺五寸高八寸七分  
行六字七字不等左行正書

長慶元口口口十三日朝散大夫行華陰縣令上柱國

裴穎奉勾當再修中門屋至廿五日功畢

廟令張從本題

此行古篆書

又在盧綸題名石之左七行字數不  
等左行以無號年附錄於此正書

□□□□□□□□

□散大夫行華陰縣□□桂國裴穎

華陰縣丞薛仲歸

華陰縣主簿黎煉

華陰縣尉高懿

□□□

右題名正書自左起案宰相世系表東眷房裴穎衛  
尉卿駙馬都尉諸公主列傳齊國公主下嫁張瓘又  
嫁裴穎年代差遠當別為一人南來吳房亦有穎官

左清道率府兵曹參軍或即是題名者與授堂余石跋

方叅等嶽祠題名

石高廣俱一尺二寸題名二段  
前五行行十六字左行正書

缺 執籩豆為

國討叛思契丹懇敬祭敬拜牢餼畢陳

所期感通昭鑒不昧列旌旗於綠野羅冠劍於 明庭

共展禮容因以題記

大和二年八月廿八日

男守左驍衛倉曹參軍上柱國賜緋魚袋方叅侍從

朝覲

右題名正書自左起按此題執下字殘其半以名氏

度之似蕃將臣於唐者然無所徵實以致其迹惟叛

思契丹在新唐書列傳言太和開成間朝獻凡四然

天子惡其外附回鶻不復官爵渠長舊唐書傳亦云元和長慶寶曆

太和開成時遣使來朝貢則當大和二年必有叛附故遣將聲討

加以醜名曰叛思亦猶武后更號孫萬榮為萬斬李

盡忠曰盡滅黠戛為斬斃也是討叛思契丹一事可

以補新舊書之闕蓋非細也按堂金

按為國討叛句思契丹懇句契有勤合之義丹懇

猶言丹誠下云敬祭敬拜謂竭其勤懇丹誠以祭

拜也舊唐書文宗紀大和二年五月王延湊出兵

侵鄰藩欲撓王師以援李同捷昭義劉從諫請出

軍討之七月甲辰詔宰臣集三署四品已上常參

官議討王延湊可否九月甲午詔削奪王延湊在

身官爵隣邑接界隨便進討新書紀八月己巳王

延湊反是月甲寅朔則己巳為十六日也今此題

記在大和二年八月廿八日其時所云為國討叛

者正指王延湊事非契丹也北狄列傳歷叙契丹

朝獻次數云大和開成間凡四並不言有叛附征

討之事蓋授堂句讀偶誤耳

李璠題名



在焦緩題名之右  
一行十五字正書

隴西李璿大和三年十一月十五日題

韋公式題名

石高一尺廣七寸共七  
行行十四字左行正書

唱京兆府功曹前秘書郎韋公式  
外甥鄭縣尉攝

華陰縣主簿裴虔

右公式頃年佐理斯邑自後向逾一紀六變官曹今者

慮以官成身有所繫奔馬到此追尋舊遊覽前題處豈

勝口口

大和四年上元日題

右題名正書自左起案以後向逾一紀推之此題在

大和四年前題當元和十二三年間矣官成以周禮

鄭氏註謂官府之成事品式公式率爾留記蹇蹇不

忘于此信非俗吏也  
授堂金石跋

李虞仲題名

石橫廣一尺二寸高八寸  
共十行行九字左行正書

正議大夫使持節華州諸軍事守華州刺史御史中

丞充潼關口口國軍等使上柱國口口開國男食邑

三口口口金魚袋李虞仲  
大和四年七月十日

詔以立秋修祀  
南都團練判官口口事

柳乘同來□□

虞仲李端之子唐書本傳虞仲字見之第進士宏詞  
累遷太常博士寶歷初以兵部郎中知制誥遷中書  
舍人出為華州刺史歷吏部侍郎未有云判官事柳  
乘同來乘名又見懷素聖母帖後蓋以大理評事出  
判華州事也

關中金  
石記

右題名自左向右舊唐書列傳李虞仲大和四年出  
為華州刺史兼御史大夫依題名乃為中丞而非大  
夫至於勳上柱國爵開國男皆未之及立秋修祀華  
嶽以刺史攝祭亦禮儀志文所不具南都按之新唐

書地理志上元元年號南都為府二年罷都是年又  
號南都尋罷都則江陵久不名都矣題名猶稱此者  
襲舊名也呂誣傳上言請於江陵置南都敕改荊州  
為江陵府永平軍團練三千人以邊吳蜀之衝

據舊唐書

傳

南都置團練判官蓋由於此也

授堂金  
石跋

寶存辭等題名

石高九寸廣七寸五行行  
七字八字不等在行正書

縣主薄寶存辭鄉貢進士馮耽開成二年四月存辭

請假赴洛耽

侍從祈□

缺

庚題名

石後缺現存高廣俱五寸五行  
行五字六字不等左行正書

開成二年九月五日庚將赴京告辭 金天王遇還於

此便同道 缺

李景讓題名

石橫廣一尺七寸高一尺  
十二行行字數不等正書

□□□史兼御史中丞李景讓

□監察御史裏行盧□李

前右龍武軍錄事參□李映

□士劉灌

□□李景裕

□□盧黨

□□鄭繁

□士鄭毅

開成四年六月十九日

景讓字後己李愷之孫也唐書本傳稱景讓入為尚

書左丞至大中始進御史大夫劾免為侍御史據此

則開成時已為此官也當是為節度使時兼攝之官

故史不記之耳 關中金  
石記

右題名新唐書列傳景讓寶歷初遷右拾遺以題名

所題兼御史中丞此當由寶歷至開成十餘年官序

如此而史失載也景讓性好獎士類拔孤仄今附名如進士李灌凡五人從之遊覽亦其宏雅所致足爲

世勸也 授堂金石跋

陳商題名

石高一尺廣六寸六行行十字十二字不等正書

口門郎中史館修撰陳商會昌元年七月廿五日商祗召赴 闕與盧溪處士鄧君蟠同題時 口口口口

商題後六年自禮部侍郎出鎮口陝又與鄧文使同來十月口口

此題云司門郎中史館修撰題後又有後六年商自

禮部侍郎出鎮分陝云云攷商以禮部侍郎主文以延英對見辭不稱旨改授王起即其出鎮之事也見

唐書言唐書云商字述聖官至秘書監封許昌縣男

關中金石記

右題名正書自左起舊唐書宣宗紀會昌六年迎神

主下百寮議皆言准故事無兩都俱置之禮惟禮部侍郎陳商議云周之文武有鎬洛二廟今兩都異廟

可也然不宜置主於廟主宜依禮瘞於廟之北墉下今此題稱禮部侍郎出鎮陝者即其人昌黎集荅陳

商書時猶未第後元和九年進士第此於題名時致

通顯矣鄧支使不書名當為鄧君蟠也百官志監察御史十五人凡十道巡按以判官二人為佐務繁則

有支使授堂金石跋

常侍口口祀嶽廟殘詩

石高廣俱八寸七行行七字十字不等正書

口口口口口口口口口口口口口口口口口口口口

口口口鬼神陪質明三獻雖終禮祿壽千年別上杯

豈是璵材口祀事宏農太守主口來常侍會領此郡故有口句

會昌二年六月廿二日立秋

崔郇等題名

石高一尺廣八寸五行行十字十五字不等正書

正議大夫守京兆尹賜紫金魚袋崔郇華州華陰縣

令崔宏會昌二年六月十六日郇自汝海將赴闕庭

時與宏同謁廟而過

宰相世系表郇官至大理卿崔郇之弟郇之兄也關中

金石記

右題名自左起按郇見宰相世系表亦見權載之集

崔陘神道碑曰郇合為廷尉實當會昌元年是此題

云守京兆尹蓋由廷尉擢是職也汝海即汝州游宦

紀聞稱坡公元豐七年自黃量移汝海蓋唐時已有

此名矣

授堂金  
石跋

崔慎由等題名

在射曼題名之右三行  
字數不等左行正書

殿中侍御史集賢殿直學士崔慎由

右補闕李當

鄉貢進士崔安潛

會昌五年二月八日同赴

慎由為宣宗相寓尺束於所知必稱安潛故時人有

王凝裴瓚舍弟安潛之語後亦位至侍中古人之升

沈後進若此

關中金  
石記

右題名正書自左起案慎由見新舊書傳當會昌五

年並失錄其為殿中侍御史集賢殿直學士安潛舊

書本傳稱大中三年登進士第此在會昌五年固宜

以鄉貢自題也

授堂金  
石跋

李口方題名

石高八寸廣四寸五分  
三行行八字左行正書

右議大夫李口方

大中元年三月

口口雨

按雍州金石記作李祁方今字已泐

楊漢公題名殘石

石殘缺僅高六寸廣五寸二行左行正書

中楊漢公

五月

漢公隨越公後裔字用又官至天平軍節度使檢校

戶部尚書題稱其官為給事中當在為同州刺史之

前唐書本傳不及之者略也關中金右記

李貽孫祈雪題記

石橫廣一尺六寸高一尺五分七行行七字八字不等左行正書

左諫議大夫充宏文館學士判館事賜紫金魚袋李貽

孫大中三年十二月八日奉制祈雪小男進士同吉

學究靜復從行

右題名大書自左起貽孫史不為立傳予攷歐陽行

周文集序為貽孫所撰序云大和中為福建團練副

使大中六年又為觀察使其前結銜特詳所記實為

福建等州都團練觀察處置等使正議大夫使持節

都督福州諸軍事福州刺史兼御史中丞上柱國賜

紫金魚袋以此題證之當大中三年嘗官于朝至六

年任於外矣全唐詩話元賓終于四門助教李貽孫

序其文元賓李觀也與行周同年進士早沒而貽孫

于其遺集為之表章如此廣川書跋鄴都宮陰真人

祠刻詩三章唐貞元中刺史李貽孫書蓋大中之前

又為刺史於忠州矣貞元中至大中越五六十年貽孫少致通顯至此已八十餘疑

貞元字尚有誤為附識于此貽孫好文喜奇於斯可想其為人而

題名當亦貽孫所自書故可寶也授堂金石跋

按後又有大中五年七月廿七日李貽孫題云達

都團練觀察處置等使兼御史中丞則是貽孫之

任外不待六年矣

鄭復等題名

石高廣俱八寸五行行六字左行隸書

河東縣尉鄭復

臨晉縣令艷損

隴州參軍鄭孚

鄉貢進士盧璣

大中四年九月五日記

損時為臨晉縣令璣鄉貢進士宰相世系表損字慶

遠禮部尚書璣魏州刺史關中金石記

李貽孫題名

石高八寸五分廣七寸六行行七字至九字不等左行正書

福建都團練觀察處置等使兼御史中丞李貽孫大中

五年七月廿七日口鎮將男意承文蔚口復舍昭謁獄



而退

于德晦等題名

在李虞仲題名之左三行字數不等左行正書

監察御史于德晦

口州鎮國軍判官試大理評事口口

大中六年三月廿四日同謁金天

題名正書自左起新唐書宰相世系表德晦官同州刺史其見於史者惟此而已長安志務本坊有左散

騎常侍于德晦宅授堂金石跋

李植題名

石橫廣八寸高六寸五行行五字至七字不等左行正書

侍御史內供奉李植大中十一年十一月十三日自浙

右赴闕

李贇祈雪題名

石橫廣一尺九寸高八寸五分四行字數不等正書

左諫議大夫賜緋魚袋李贇咸通元年十二月廿九日

奉恩命祈雪

許環等題名

在方參題名之左四行字數不等左行正書

鄭縣丞攝尉許環

宇文珪

華陰縣尉薛殷圖

咸通十一年十月十七日題

司空圖嶽廟殘詩

在益恭益昌等題名之後二行行七字正書

岳前大旆討淮西

從此中原息戰聲

唐摭言云裴晉公赴敵淮西題名岳廟之闕門大順

中戶部侍郎司空圖以一絕紀之曰嶽前大隊赴淮

西從此中原息戰聲石闕莫教苔蘚上分明認取晉

公題今此詩只存首二句作嶽前大旆討淮西則有

二字異矣圖書世所罕見則此十四字可寶也關中金石

記

右詩存者惟有岳前大旆討淮西從此中原息戰聲

二句按此為司空圖視晉公赴敵淮西題名紀之一

絕也晉公題名亡佚不可見今詩石又斷下二句矣

說見王定保唐摭言又全唐詩話亦載此詩云大順

中戶部侍郎司空圖紀者然則題詩年代猶可攷也

授堂金  
右跋

巖口題名

石橫廣一尺七寸高九寸  
行數不辨每行五字正書

監察御史裏行嚴口乙卯歲八月庚寅奉使東周展敬

按乙卯為昭宗乾寧二年八月乙酉朔庚寅是初

六日也

崔恭伯等題名

石殘缺存高一尺廣七寸五分  
分三行字數不等左行正書

河南府叅軍崔恭伯

華州叅軍韋口

安邑縣尉 缺

李儼等題名

石高八寸五分廣四寸  
三行行六字正書

下邳縣丞李境

進士李賞

進士李口

趙宗儒等題名

在華岳頌碑右側顏魯公題名  
下四行行七字九字不等正書

宏文館校書郎趙宗儒

義陽府左果毅丁希口

前鄭縣主簿李益

三人同謁

金石錄卷之四  
唐有兩李益一宰相揆族官禮部尚書一官太子庶  
子此未知孰是

穆準等題名

在華岳頌碑右側下截趙宗儒題名  
之右四行行三字四字不等正書

前潞府叅軍穆準

懷州口嘉縣尉穆飛

裴賁等題名

在昭應碑右李休光  
題額之側一行隸書

朝議郎行華陰縣令裴賁 丞柳升 主簿霍晃

按華嶽題名共得搨本七十一段皆分刻于華嶽

頌碑述聖頌碑精享昭應碑告華嶽文碑之左右  
凡姓名三百餘人其有事蹟可攷者分記於各段  
之後茲不更贅計始自開元二十三年迄于唐末  
各段俱總附于鄭虔題名之後不復析出分年伴  
繫俾覽者連類及之便於詳檢猶聖教序岱嶽觀  
碑隨羅尼經幢之例也

